



國立臺灣圖書館典藏
由國家圖書館數位化

18250
26
V.10
中國醫學大成第四集

方劑類

聖濟總錄纂要



上海大東書局印行



聖濟總錄纂要

清

新安

程

林雲來纂輯

鄞縣

曹炳章赤電校點

卷一二十三

婦人門

氣血統論

論曰。血爲榮。氣爲衛。行陰行陽。晝夜共行五十度。周於身內之五臟六腑。外之百骸九竅。莫不假此而致養。矧婦人所稟純陰。以血爲本。以氣爲用。在上爲乳飲。在下爲月事。養之得道。則榮衛流行而不乖。調之失宜。則氣血愆期而不應。衛生之經。不可不察。

婦人月水不通

論曰。婦人月水不通者。所致不一。有氣不化。血微不通。有先期太過。後期不通。有大病後。熱燥不通。有凝寒結滯不通。有積聚氣結不通。有心氣抑滯不通。凡此所受不同。治之亦異。蓋女人假血為本。以氣為用。血氣稽留。則澁而不行。其為病或寒或熱。或臍腹堅痛。或肌肉消瘦。久而不治。則為勞瘵之症。

地黃煎丸 治月水不行。心忪悸。身體熱。面頰紅赤。食味不美。臍下刺痛。腰膝重。

生地汁

青蒿汁

生薑汁一鍾共熬膏

麒麟竭

沒藥去油

玄胡索

凌霄花

紅藍花五錢

共末。用膏丸。彈子大。酒下一丸。

當歸湯 治血澁不行。心忪肌熱。腰重腹痛不可忍。

川歸

丹皮

川芎

白芍

牛膝

麥蘖

玄胡索

桂心五錢

琥珀

沒藥去油一分

水煎三錢。溫服。日二。

婦人月水不斷

論曰。女人以衝任二經為經脈之海。手太陽小腸之經與手少陰心之經者。此二經相為表裏。主下為月水。若勞傷經脈。則衝任氣虛。衝任既虛。則不能制其氣血。故令月事來而不斷也。

白茯苓散 治女人血海不調。因虛冷成疾。致月水不絕。及赤白帶下。面色萎黃。

白茯苓

木香

懷熟地

石菖蒲

秦 朮

柏子仁

青 皮

兔絲子

赤石脂

烏賊魚骨

訶勒皮

川 歸

五加皮

牛角鰓燒灰

杜 仲

艾 葉燒存性一兩

共為末。不拘茶飲酒任下二錢。日二。

川歸丸 治月水不斷。或多或少。四肢倦。身瘦瘁。

川 歸三兩

地 榆

人 參

白 朮

白 苳

鹿 茸

白龍骨

阿 膠

白 芍

卷 柏

石 斛

蒲 黃

紫 朴一兩

桂 心

枳 殼二兩

懷熟地三兩

共末。蜜丸梧子大。酒下三十丸。日二。

地黄湯 治衝任氣虛。經血虛損。月水不斷。綿綿不止。

懷生地二兩

子芩

川歸

側柏葉兩半

熟艾五錢

水煎三錢。入蒲黃一錢。食前溫服。日二。一方加地榆伏龍肝。

白芍藥湯 治月水經久不斷。

白芍藥炒

側柏葉炙各二兩

用水酒同煎三錢。溫服。未差再服。

婦人月水來腹痛

論曰。月水乃經血之餘。和調則所下應期。無過與不及之患。若衝任氣虛。為風冷所乘。致氣脈不順。所下不調。或先或後。或多或少。風冷之氣。與月事相擊。故因所下而腰背拘強。臍腹刺痛也。

川歸飲 治月水不調。及欲來臍下痛。肌體熱。

川歸

白朮

人參

白芍

枳殼

紫朴

肉豆蔻

甘草五錢

水煎三錢。溫服。日二。

丹皮湯 治月水來而不利。攻臍腹痛不可忍。

丹皮

人參

川芎

子芩

甘草

乾薑

吳茱萸

桂心兩半

白芍

白朮

川歸一兩

桃仁八枚炒

水煎三錢服。

白芍湯 治月水來腹痛煩悶體熱。

白芍藥

紫朴

人參一兩

甘草

川歸

枳殼三兩

肉豆蔻五錢

水煎三錢。溫服。日二。

川芎丸 治月水來腰腹刺痛不可忍。或多或少。或來如清水豆汁。虛乏黃瘦。

川芎

白芷

生地

桃仁炒去皮尖一兩

黑乾薑

蒲黃

甘草五錢

人參

白芍

丹皮

牛膝

桂心

川歸三分

共末入蜜杵丸梧子大酒下二三十丸日二。

室女月水不通

論曰。女子二七而天癸至。任脈通。月事以時下。若稟受不足。或任脈為風寒所搏。致令風氣凝結。不能應時而下。經久不治。則致勞疾。人參湯。治室女思慮太過。心氣不足。氣結不得宣利。月水不依時。或久不通。或血隔成勞。漸有寒熱。肌肉不生。不思食味。凡此病症。不可復行破血急性之藥。宜通心氣。行榮衛。滑經絡。

人參

白芍

麥冬

丹皮

檳榔

草薢

大腹皮

白朮

川芎

生地

桔梗

防己

枳殼

丁香皮

甘草

茯神

川歸一兩

桂心

大黃

遠志

生薑大棗。水煎三錢。入酒少許溫服。日二。

赤芍藥散。治室女月水不通。

赤芍

牛膝

人參

木香

甘草

丹皮

玄胡索

川芎五錢

桂心

川歸三分

桃仁炒一兩

共末。酒下二錢。

沉香湯。治室女榮衛凝滯。月水不利。目昏悶。肢體拘急。五心虛煩。多困少力。

沉香

檳榔

甘草三兩

人參

木香

桂心

川歸

生地

白茯苓

陳皮

青皮

柴胡

鼈甲醋炙兩半

生薑水煎三錢。溫服。日二。

羚羊角湯 治室女元氣不足。虛勞內燥。月水不利。四肢少力。頰赤口乾。五心煩熱。

羚羊角

防風

地骨皮

川芎

黃耆蜜炙

赤茯苓

桂心

麥門冬

防風

炙甘草一兩

懷生地三兩

羌活

酸棗仁炒

川歸

紅花子

白芍藥兩半

生薑三片。薄荷七片。水煎三錢。入酒少許溫服。日二。

二地散 治室女月水不通。臍腹下刺痛。

懷生地

懷熟地四兩

桂心

川歸二兩

共末。酒下二錢。日二。

帶下

論曰。帶下有三十六種。名雖不同。其所致則一。蓋婦人衝任為經脈之海。上為乳汁。下為月事。血氣和平。則生育之道得矣。苟乖於保養。風寒乘虛。襲於經絡。衝任

不能循流。血氣蘊積。冷熱相搏。故成帶下。冷則色白。熱則色赤。冷與熱并。則赤白雜下。間有五色者。各隨五臟虛損而應焉。

川芎湯 治帶下漏血不止。

川芎

吳茱萸

白芍藥

黃耆

炙甘草

黑乾薑

川歸一兩

懷熟地二兩

水煎三錢溫服。日二。

桑寄生湯 治三十六種帶下。

桑寄生

熟艾

川芎

鹿角膠一兩

川歸二兩

用酒水各半合煎。三錢溫服。日二。

若口乾渴者。加白茅根、懷生地、麥門冬各一兩。

龍骨散 治三十六種帶下不止。

白龍骨

黑乾薑一兩

黃牛角鰓燒灰三兩

禹餘糧醋淬七次

續斷

阿膠炒

川歸五錢

共末。酒下一二錢。日二。以差為度。

側柏葉散 治帶下腹痛。

側柏葉炙二兩

白芍藥

川芎

牡丹皮

白芷

黑乾薑一兩

川歸五錢

共末。酒下二錢。日二。

禹餘糧散 治帶下五色久不止。

禹餘糧醋碎七次研

鹿茸

赤石脂二兩

烏賊魚骨去甲燒灰兩半

阿膠炒

川歸

白芍藥

蒲黃一兩

牡蠣童便碎二兩

共末。酒下二錢。日二。

川歸散 治帶下白黃不止。體瘦繞臍腹痛。

川歸

附子

白朮

白龍骨

桂心

鹿角膠粉炒一兩

共末。酒下一二錢。日二。飲下亦可。

漏下

論曰。漏下之病。經血淋瀝不斷是也。夫衝任之脈。所至有時。若非時而下。猶器之
津洩。故名之漏下。蓋由血虛氣衰。不能約制。又有瘀血在內。因冷熱不調。致使血
敗。其色或赤如豆汁。黃如爛瓜。黑如衄。青如藍。白如膿。五色隨五臟虛損而漏應
焉。

沉香丹皮丸 治內挾瘀血。月水淋瀝不止。或多或少。四肢煩倦。

沉香 人參 丹皮 赤芍

川歸 木香 巴戟天 川芎

山藥 白茯苓 白芷 陳皮

黃耆 吳茱萸 桂心 枳殼

紫朴 肉蔻 牛膝 龍骨

黑乾薑 一兩

共末。入蜜杵丸。梧子大。酒下二三十九丸。日二。

白馬蹄湯 治赤白帶下。淋瀝不止。色敗如五色者。

白馬蹄 剉炒焦 二兩

白龍骨

禹餘糧 兩半

白殭蠶

赤石脂

附子

懷熟地

牡蠣 醋碎

炙甘草 一兩

川歸

烏賊魚骨 燒灰 兩半

水煎三錢。入酒少許溫服。日二。

鹿茸散 治漏下久不止。

鹿茸 去毛 炙

阿膠 粉炒

烏賊魚骨 去甲 燒灰 兩半

歸

蒲黃 微炒 一兩

共末。酒下二錢。日二。

龜甲散 治漏下赤白。經久不止。

龜甲 醋炙

牡蠣 童便碎 二兩

共末。空心酒下一二錢。日二。以差為度。

白朮散 治赤白漏下不止。

白朮 土炒

川柏 炙 兩半

白薇 炒 五

共末。溫酒下二錢。日二。

大黃散 治漏下青色。

大黃分三 牡蠣童便

子芩

桂心一分

白薇五錢

共末。酒下二錢。

蒲黃散 治血漏不止。日久虛損。

蒲黃微炒 鹿茸去毛

川歸酒炒

共末。酒下二錢。日二。

黃耆湯 治漏下赤白。淋瀝不斷。

黃耆炙兩 阿膠粉炒

炙甘草一分

大棗肉五十枚

水煎三錢服。

經血暴下崩血

論曰。女人經血。謂之月事者。常以三旬而一見也。若血氣和平。則所下應期。若衝

氣虛。則經血不能制約。故令暴下不止。乃至數升也。

生地散 治血傷暴下不止。腰脚疼重。倦怠無力。心煩渴燥。面目虛浮。

懷生地

黃牛角鯁燒灰

酸石榴皮炙

人參

白芷

炙甘草

陳皮

地榆炙

川續斷

共末。飲下二錢。日二。

劉寄奴湯 治血下不止。臍下虛痛。

劉寄奴

赤芍藥二兩

艾葉炒四兩

白茯苓一兩

川芎

川歸兩半

水煎三錢溫服。日二。

如聖散 治經水暴下不止。

櫻櫚皮燒灰一兩

烏梅肉

黑乾薑性五分一兩 並燒存

共末。用烏梅湯下一錢。日二。久患不過二服。

續斷丸 治經水漏下。日久不止。或五色相兼而下。面萎黃。肌體瘦。腰重無力。

續斷

赤石脂

炙甘草

阿膠粉炒

川芎

丹參

地榆根

小薊根

側柏葉

鹿茸

川歸一兩

鼈甲醋炙

生地

黃牛角鯁

共末入蜜杵丸梧子大酒下三十九。

白芍藥散 治經水不止兼五色雜下不定日夜不止。

白芍藥

黃耆

白朮

白龍骨一兩

烏賊魚骨醋炙

桂心

附子

乾薑

牡蠣醋碎

懷生地三分

共末酒下二錢日二。

地黃湯 治經血不止顏色不定。

懷生地五兩

子芩

熟艾葉

川歸二兩

側柏葉

伏龍肝

蒲黃微炒

生薑三兩

地榆四兩

水煎三錢溫服。日二。

二灰散 治經水暴下不止。

蠶 絲燒灰

箬

葉用茶篋內者
燒灰各一兩

同研勻。酒下一二錢。日二。

禹餘糧丸 治經血不止。氣弱黃瘦。

禹餘糧米醋碎

附子去皮

川芎

川歸三分

白芷

黃耆蜜炙

白龍骨

桂心

白石脂

共末。入蜜杵丸。梧子大。丹砂為衣。酒下二三十丸。日二。

經血暴下兼帶下

論曰。女人臟腑久冷。素有赤白帶下。復因衝任氣虛。不能制約經血。以至暴下。則

二病兼作。故謂經血暴下兼帶下也。

黃牛角鰓丸 治經水暴下兼帶下。經久不止。面黃困劣。

黃牛角鯁

赤石脂兩半

鹿茸去毛

桑白皮炒

阿膠粉炒一兩

艾葉炙三分

白龍骨煨三兩

黑乾薑一分

共末入蜜杵丸梧子大酒下。

白芍藥酒 治經血暴下兼帶下。經久不差。

白芍藥炒

懷生地

黃耆炙三兩

艾葉炙一兩

酒一斗。浸七日服。

牛角鯁散 治傷血並帶下。

黃牛角鯁酒炙

側柏葉炙

川續斷炒

熟艾

伏龍肝

川歸

赤石脂一兩

地榆

共末酒下二三錢。日二。

人參散 治血傷兼赤白帶下。日久不止。

人參

五味子

艾葉燒灰

白茯苓

牡蠣醋淬

地榆

白龍骨

懷熟地

炙甘草

川芎

續斷一兩

共末。空心用酒下一二錢。日二。

白茯苓丸 治血傷兼帶下。積久不止。漸成虛勞。面黃腰脚沉重。

白茯苓

柏子仁

訶勒皮

兔絲子

木香

杜仲炒

赤石脂

五加皮

懷熟地

秦艽

川歸

石菖蒲

青皮

黃牛角鰓切

烏賊魚骨去甲燒灰

艾葉燒灰一兩

共末。酒下二錢。日二。醋糊丸亦可。

生地湯 治血傷帶下

懷生地炒

川歸

阿膠

黃耆炙一兩

艾葉炒三分

生薑水煎。三錢溫服。日二。

烏賊魚骨丸 治血海虛敗。赤白帶久下不止。肢體虛熱煩躁。頭目旋運。口舌乾澀。

烏賊魚骨去甲

白芍藥

川歸

山萸肉

川芎

訶勒皮

酸棗仁

白茯苓

覆盆子

玄參

萆澄茄

懷熟地

地榆

黃耆

炙一兩

共末。蜜丸。梧子大。酒下三十丸。

黃芩湯

治經水暴下帶兼赤白不止。

懷生地二兩

子芩

蒲黃微炒

熟艾

側柏葉

川歸五錢

水煎三錢溫服。日二。

車前子湯

治經血暴下。兼赤白帶下。經久不止。

車前子

子芩

懷生地

淡竹葉

阿膠炒一兩

水煎三錢服。

白龍骨散

治經血暴下。兼赤白帶下不止。

白龍骨

續斷

鹿茸

赤石脂

肉蓯蓉

白芍藥

懷生地炒

烏賊魚骨去甲燒灰二兩

共末。用米飲下二錢。日二。

婦人血分

論曰。血分者。經水通之際。因寒濕傷其衝任。為之中止。氣壅不行。播在皮膚。邪氣相搏。經血分而為水。發為腑腫。故曰血分。脈經曰。經水前斷後病水者。名為血分。久之不治。積成水腫。即難治也。

枳實散 治血分身體浮腫。心腹煩滿不能食。

枳實麸炒

牛膝

青皮去白炒

猪苓皮去黑

桑白皮

川歸兩一炒

木香

牡丹皮

防己

大黃炒

檳榔煨

甘遂錢炒五

人參一兩

共末。湯下二錢。日二。

檳榔湯 治血分上攻頭面。身體浮腫。心煩熱滿悶。

檳榔微炒

赤芍藥

郁李仁

牽牛子炒

人參

牡丹皮

百合

木香五錢

赤茯苓

牛膝

枳殼炒三

知母鹽酒炒一分

水煎三錢。溫服。日二。

婦人水分

論曰。水分者。以水氣上溢於皮膚。分散於四肢。發為臃腫。蓋腎者胃之關。關門不利。故聚水而從其類也。此病與血分相似。而治療有先後耳。

赤茯苓

赤芍藥

澤漆微炒

木通

防己一兩

猪苓去黑皮

小海蛤

澤瀉兩半

桂心

陳皮炒三

共末入蜜杵丸。梧子大。桑白皮湯下三四十九丸。日二。

防己飲。治水病浮腫。因經水斷絕。名曰水分。

防己

澤漆

子芩

玄參

陳皮一兩

赤茯苓

葶藶紙炒

杏仁

白朮

猪苓

大豆半兩

桑白皮兩

水煎三錢服。

甘遂丸

治水分四肢浮腫。經水斷絕。

甘遂微煨一兩

天冬去心

川連兩半

葶藶紙炒二兩

苦胡蘆取一枚

共末。蜜杵丸小豆大。酒下十九至十五丸。水利止服。

木通散

治水分先病水腫。日久不消。致經水斷絕。

木通

赤茯苓

石葦去毛

桑白皮

防己

澤瀉三分

大腹皮四枚

水煎五錢溫服。日二。如水通利少服。

婦人無子

論曰。婦人所以無子者。由衝任不足。腎氣虛寒故也。內經謂女子二七而天癸至。任脈通。太衝脈盛。陰陽和。故能有子。若衝任不足。腎氣虛寒。不能繫胞。故令無子。亦有本於夫病婦疾者。當原其所因而調之。

白薇丸 治婦人久無子。

白薇 川歸 人參 附子
 川芎 藁本 禹餘糧一兩 石斛
 熟地 柏子仁 紫參 薑黃
 川椒 桑寄生 牛膝 五味子
 桂心 吳茱萸 防風 甘草五錢

共末入蜜杵丸。梧子大酒下二三十丸。日二。

澤蘭葉丸 治久無子。

澤蘭葉 川歸 白龍骨 陳皮去白
 遠志 菴藷子 川芎 桃仁去皮
 禹餘糧醋碎七次研 紫石英 藁本 蒲黃微炒

覆盆子

白芷

卷柏一兩

人參

麥門冬

黑乾薑

車前子

懷熟地

細辛

白茯苓

赤石脂

川椒炒

石膏

白薇

蛇牀子五錢

共末。蜜丸。梧子大。酒下。

妊娠門

妊娠惡阻

論曰。婦人所食穀味。化為血氣。下為月水。凡妊娠之初。月水乍聚。一月為牒。二月為胚。三月為胎。胎成則男女分。方食於母。而口如鳥。在牒胚之時。血氣未用。五味不化。中氣壅實。所以脾胃不思穀味。聞見於物。即惡心有所阻也。其病心中憤悶。頭重目眩。四肢怠惰。惡聞食氣是矣。

茯苓湯 治妊娠惡阻嘔逆。肢疼頭痛。惡聞食氣。心忪煩悶。多損墜。宜安胎調血脈。

白茯苓

旋復

生地二兩

人參

白芍

陳皮

桔梗炒

細辛

芎藭

甘草炙兩半

水煎三錢。

橘皮湯

治妊娠惡阻。嘔吐不下食。

陳皮

竹茹

人參

白朮三兩

厚朴二兩

薑水煎三錢。

柴胡飲

治惡阻頭疼瘦弱。不思食。嗜臥。

柴胡

赤芍

人參

麥冬

黃耆

甘草炙五錢

生地取兩半

水煎三錢。入地汁一分。日二。

人參飲

治惡阻煩悶。嘔噦吐逆。惡聞食氣。頭眩肢節疼。嗜臥出汗黃瘦。

人參

麥冬

白茯苓

生薑三分



陳皮

甘草炙五錢

大棗五枚

共分二劑。每劑水五鍾。煎二鍾。分三服。頃再服。

茯苓飲。治惡阻煩悶頭眩。憎聞食氣。聞便嘔逆。四肢不能自持。

白茯苓

人參

白朮

防風

枳殼炒

生薑五錢

甘草炙一分

分爲二劑。每用水四鍾。煎半分。二服。頃再服。

妊娠漏胎

論曰。妊娠將理失宜。經血時下。謂之漏胎。由衝任虛弱。不能固養胞胎。故令經血時下。如器之漏也。久漏不已。則胎氣無所稟養。必致萎燥矣。續斷飲。治妊娠漏胎。下血不止。腹內痛。

續斷二兩

艾葉

熟地

當歸一兩

竹茹

阿膠

雞蘇五錢

爲粗末。水煎三錢。日二。

艾葉飲 治漏胎淋瀝不止。

艾葉五錢 乾薑

當歸三分

芎藭一兩

薑水煎三錢。日二。

膠艾湯 治漏胎下血過多。

阿膠五錢 艾葉一兩

水煎三錢。日二。

黃耆湯 治五六月下血。

黃耆兩半 熟地 桑寄生

艾葉 龍骨三分

地榆一兩

薑棗水煎五錢。日二。

竹茹桑寄生湯 治漏胎心腹痛。時下血。

竹茹 桑寄生 艾葉 白芍

阿膠 白朮各等分

水煎三錢。

當歸阿膠散 治胞漏下血不止。

當歸

阿膠

熟艾五錢

龍骨二分

蒲黃炒

地榆三分

牛角鯁炙焦

熟地一兩

共末。酒飲任下二錢。日二。

妊娠胎動下血

論曰。妊娠之人。將護為難。若觸冒風寒。飲食生冷。及喜怒勞動太過。致患胎動。胎動則氣血失度。故下血也。古方云。母有宿疾。子藏為風冷所乘者。亦令胎動下血。皆失將護所致。

阿膠湯 治胎動腹痛。下血運悶。

阿膠一兩

生薑炒

側柏葉

桑寄生

當歸

艾葉三分

竹茹團一大

芎藭

續斷五錢

棗水煎三錢。

鹿角膠湯 治胎動漏血不止。

鹿角膠 一兩 人參

白茯苓 五錢

水煎三錢。

阿膠散 治損動胎氣。腹內結痛。血下不止。運悶。

阿膠 桑寄生 二兩 人參

懷熟地

白芷 芎藭 一兩 續斷 兩半

共末。竹茹糯米湯下三錢。

秦芫湯 治胎動下血。身體煩熱倦怠。

秦芫 人參 炙甘草

芎藭

地榆 白芷 鹿角膠 五錢

糯米一撮。水煎五錢。

芍藥散 治肺動下血不止。臍腹痛迷悶昏塞。

白芍 木賊 炒 一兩 牡蠣 熟地

乾薑 烏賊魚骨 去甲 五錢

共末。酒下三錢。

人參飲 治胎動腰腹痛。血下不止。

人參

芎藭

當歸

阿膠

杜仲二兩

熟地

炙甘草一兩

艾葉一把

棗水煎五錢。

妊娠胎萎燥

論曰。人由受氣於有生。十二經脈迭相滋養。猶生物也。得寒溫之正。土地之宜。無物不長。凡胎處胞中。或有萎燥者。蓋由孕婦所稟怯弱。不足自周。陰陽血氣循係。非冷即熱。胞胎失於滋利。所以萎燥而不長也。日月雖過。不能生育。亦有後時致失者。惟宜資母血氣。俾陰陽調通。本末相應。則胎從而有養矣。

艾葉湯 治胞中冷。致胎萎燥。

艾葉炒

芎藭

當歸炒

白朮

乾薑一兩

水煎三錢。日三。

白朮湯 治萎燥瘦劣。面黃黑。腹藏虛冷。

白朮炒二兩

人參

當歸

白芍

芎藭

訶勒皮

厚朴

炙甘草五錢

薑水煎三錢。日三。

白朮當歸湯 治胎萎燥漏下。腹痛不可忍。

白朮

當歸

人參

芎藭

阿膠二兩

艾葉一兩

酒水煎五錢。入大棗。分三服。

桑寄生湯 治胎萎燥不能轉動。心中急痛。

桑寄生

人參

白茯苓

姜蕤一兩

白朮二兩

薑水煎三錢。入粳米半合。溫服。日二。

地黃湯 治胎萎燥。過時未產。滋氣血。益胞藏。

熟地

當歸

熟艾炒

芎藭一兩

阿膠

炙甘草五錢

水煎三錢日二。

妊娠胎不長養

論曰。妊娠將理無方。脾胃不足。飲食減退。不能行榮衛。化精微。養衝任。故令胎藏內弱。子氣不足。生化稍虧。巢元方謂母病療母。則胎安是也。若使脾胃和而能飲食。水穀化而運氣血。則何慮胎氣不長也。

白朮散 治胎不長養。

白朮一兩 人參

白芍

芎藭

阿膠一兩 炙甘草五錢

共末。葱粥飲下三錢。日三。

地黃湯 治氣血不足。胎瘦不長。

熟地

阿膠

芎藭

當歸二兩

人參

赤芍

炙甘草五錢

水煎三錢。入粳米。日三。

妊娠嘔逆不下食

論曰。妊娠之人。脾胃氣弱。風冷乘之。則中焦否膈。胃中虛滿。其氣上溢。氣不下降。故雖食飲。卒不得下。甚則嘔逆。扶神湯。治妊娠嘔逆不下食。和胃順氣。

扶神

黃耆

人參

白朮五錢

藿香

甘草炙二錢

薑水煎二錢。

人參湯 同上。

人參

山藥

白茯苓

粳米陳者一兩

半夏五錢

薑棗水煎三錢。

保生湯 治妊娠嘔逆不下食。

陳皮二兩 人參

白朮

麥冬

厚朴 白茯苓一兩

薑棗水煎四錢。入竹葉。

厚朴湯 同上。

厚朴 人參

白茯苓

白朮

陳皮 竹茹

半夏一兩

薑水煎三錢。

妊娠咳嗽

論曰。妊娠咳嗽者。以肺感寒氣也。經曰。形寒飲冷則傷肺。久嗽不已。則寒氣相移。不惟妊育有傷。而肺氣痿弱。皮毛枯悴。治宜發散寒邪。資補胎氣。則咳嗽自已。麥冬飲 治咳嗽不止。

麥冬一兩

紫苑

杏仁

桔梗分三

炙甘草一分 桑白皮五錢

水煎三錢。入竹茹、白蜜日三

人參散 治妊娠咳嗽。

人參 陳皮

炙甘草三兩

生薑五兩切

共末。湯下二錢。

桑白皮丸 治妊娠咳嗽。痰盛嘔逆。

桑皮二兩 半夏

人參

阿膠一兩

丹砂一分 炙甘草五錢

共末。粥丸芡實大。臨臥含化一丸。

妊娠傷寒

論曰。妊娠感冒寒邪。藏於皮膚。灑然而寒。燠然而悶。頭項痛。腰脊強。脈浮在表者。當汗之。在裏者下之。汗下之理。制方宜輕。但非破血傷胎之劑。和其陰陽。正其表裏。使經不傳。邪無深入。斯無危殆矣。

麻黃湯 治妊娠傷寒發熱惡寒體痛。

麻黃

蒼朮三兩

陳皮二兩

白朮

炙甘草一兩

水煎三錢。入葱白、鹽豉。

異功湯 治妊娠傷寒頭痛體疼。安胎和氣。

麻黃去根節四兩

白朮

蒼朮二兩

芎藭

炙甘草兩半

葱白水煎三錢。日三。

柴胡湯 治妊娠傷寒憎寒壯熱頭痛身疼。

柴胡 白朮一兩

芎藭

白芍藥

當歸 防風

赤茯苓一分

黃耆

生地五錢

薑棗水煎三錢。

白散子 治妊娠傷寒護胎。

白藥子 研末

用雞子清調塗紙上約碗大。貼在臍下。乾以溫水潤之。

妊娠下痢

論曰。妊娠飲食過傷。脾胃不和。冷熱之氣。入於腸間。腸虛則泄。故為痢也。然冷多則白。熱盛則赤。冷熱相攻。赤白相雜。甚則膿血雜下。速宜療之。恐傷胎也。

阿膠丸 治妊娠下痢。日夜頻瀉。并安胎氣。止腹痛。

阿膠

醋石榴皮 五錢

川連 一兩

當歸

肉豆蔻 三錢

共末。蜜丸小豆大。飲下十五丸。

黃連湯 治妊娠下痢頻瀉。并裏急後重。

川連 炒

黃柏 三兩

白朮 四兩

薑水煎五錢。日三。

健脾湯 治妊娠下痢。臍腹撮痛。益胃氣。思飲食。

厚朴

蒼朮四兩

人參二兩

炙甘草二兩

大棗汁一升煮熱去皮核研棗汁五合與朴朮同煮乾

陳皮去白炒

白茯苓二兩

薑水煎三錢進飲食調脾胃

阿膠丸 治妊娠下痢膿血不止腹痛。

阿膠

白朮五兩

川連

肉豆蔻一兩

共末蜜丸梧子大飲下三十九丸

黃柏散 治妊娠赤白痢腹痛腰疼如欲產。

黃柏微炒

當歸

赤芍藥

阿膠

艾葉

芎藭

桑寄生一兩

炙甘草

乾薑三分

共末水煎四錢

阿膠散 治妊娠赤白痢腹痛不止。

阿膠

當歸一兩

白朮三分

艾葉炒

石榴皮炒五錢

共末。薑水煎四錢。

妊娠子淋

論曰。婦人懷子而淋者。謂之子淋。因腎虛膀胱經客邪熱。令溲少而數。水道澀痛。

痛引於臍者。是其候也。

海蛤

木通

猪苓五錢

冬葵子微炒

滑石一分

水煎三錢。入燈心三十根。

白芷散 治妊娠子淋。頻數澀痛。

白芷三分

阿膠

鬱金

滑石一兩

共末。葱白湯下二錢。

當歸湯 治妊娠子淋澀痛。

當歸

白芍藥

赤茯苓

炙甘草

山梔子等分

水煎三錢。

妊娠浮腫

論曰。脾合土。候肌肉。土氣和平。則能制水。水自傳化。無有停積。若妊娠脾胃氣虛。經血壅閉。則水飲不化。溼氣淫溢。外攻形體。內注胞腑。懷妊之始。腫滿必傷胎氣。如臨月而脚微腫。利其小便。則病自愈。防己湯。治妊娠通身浮腫。喘促。小便澁。

防己

大腹三分

赤茯苓

桑白皮一兩

木香

紫蘇一分

薑水煎四錢。

木通湯。治妊娠身體浮腫。心腹脹滿。小便不通。

木通

香薷

桑白皮一兩

木香

訶勒皮

黃芩三分

枳殼炒

檳榔

紫蘇五錢

薑水煎四錢。日二。

赤茯苓湯 治妊娠身體浮腫。心腹急滿。小便赤。

赤茯苓一兩

白朮

旋復花五錢

木通

杏仁

黃芩三分

薑水煎三錢。

赤茯苓 治妊娠胎間水氣。子滿體腫。

赤茯苓

白朮二兩

杏仁

旋復花一兩

黃芩兩半

水煎五錢。日二。

桑寄生飲 治妊娠偏身虛腫。

桑寄生

紫蘇一兩

木香五錢

桑白皮炒

大腹皮三分

水煎三錢。

妊娠小便不通

論曰。妊娠小腸挾熱。熱結胞內。使氣道否澁。故小便不通。令人腹脇脹滿。臍下急痛。是其證也。

榆白皮散 治妊娠小便不通。心神悶亂。小腹急痛。

榆白皮

王不留行

滑石一兩

共末。燈心湯下二錢。

冬葵子湯 治妊娠小便淋澁。小腹急。水道熱痛。

冬葵子三合

赤茯苓

白芍藥

車前子一兩

黃芩五錢

水煎五錢。

滑石傅 治妊娠子淋。小便數。熱痛。手足煩疼。

滑石飛

汲水調五錢。塗臍下一寸。小便即利。未利再塗。

妊娠大小便不通

論曰。妊娠大小便不通者。以臟腑盛實。熱氣蘊積。不時宣導之所致也。若熱結於大腸。則大便不通。結於小腸。則小便不通。今大小腸俱有熱。則二便俱不通。其候令人煩滿。小腹脹急。惟能均調腑臟。使氣疏達。則傳化無所留滯矣。

梔子湯

治妊娠二便不通。臍腹脹痛。

石膏四兩

黃芩

柴胡

姜 蕤兩半

水煎四錢。入竹葉十片。

澤瀉

赤芍二兩

車前草五錢

柴胡通塞湯

治妊娠二便不通。下焦熱結。

柴胡

黃芩

陳皮

羚羊角三分

梔子

大黃炒

石 澤瀉 膏一兩

茅根湯

治妊娠二便不通。結悶氣急。腹滿欲死。

水煎四錢。入生地一分。豉微炒半分。

茅根

滑石

車前子

水煎四錢。

木通湯

治妊娠二便不通。下部脹滿。

木通

大黃生二兩

滑石三兩

大麻仁一兩

水煎四錢。

又方

治妊娠二便不通。

猪脂二兩

酒半升。煎脂化。分三服。未通再服。

妊娠半產

論曰。妊娠日月未足。胎氣未全而產者。謂之半產。蓋由妊娠衝任氣虛。不能滋養於胎。胎氣不固。或顛撲閃墮。致氣血損痛。或因時病痢瘧之類。皆致半產。延胡索湯 治半產後氣血不快。惡露續斷。

延胡索

當歸

白芍藥

炙甘草

芎藭

桂心一兩

水煎三錢。

艾葉飲 治半產後惡露不斷。心悶氣短。

艾葉

生地黄

當歸

人參

地榆

乾薑

阿膠各等分

水煎三錢。

妊娠數墮胎

論曰。胚胎之始。賴血氣以滋育。若妊娠血氣盛強。陰陽之氣和。相與流傳於一體。唯能順時數。謹人事。勿動內傷。則生育之道得矣。衝任氣虛。將攝失宜。子藏風冷。不能滋養於胎。故每有妊。則數致傷墮也。

地黃散 治數墮胎。子宮虛冷。

熟地

黃耆

人參

白朮

芎藭

當歸一兩

吳茱萸

炙甘草

乾薑五錢

共末酒下二錢。

阿膠湯 治數墮胎。小腹不可忍。

阿膠 熟地

白朮 當歸

艾葉炒 杜仲炒

芎藭

棗水煎四錢服。

地黄湯 治妊娠氣血衰微。胞藏挾冷。數墮胎。

熟地黄四兩 艾葉

芎藭 阿膠

當歸二兩 五加皮三兩

杜仲

水煎五錢。日二。

芎藭湯 治數墮胎。心腹痛。

芎藭 白芍藥

白朮

阿膠

炙甘草一兩

艾葉糯米薑水煎三錢。

聖濟總錄纂要

清新安程林雲來纂輯

鄞縣曹炳章赤電校點

卷二十四

產難門

逆產

論曰。逆產者。蓋因妊婦初覺腹痛。產時未至。驚動傷早。兒回轉未至。竟便用力產之。即令逆也。

牛酥膏 治逆產數日。或生不以理。橫逆艱難。千方百計不安。急宜服之。膏至兒身上即產下。

真牛酥

秋葵子 一升

大荳黃卷

滑石 二兩

瞿麥一兩 白蜜半升秋冬二葵子功用并同

共末用酥煎沸入蜜再煎下末攪勻收貯酒下一二匙頻服。

半夏飲 治橫產及倒生胎死腹中并衣不下母氣欲絕者。

半夏五枚薑汁炒 白斂一兩

共末溫酒下二錢難產一服橫產二服倒生三服胎斃衣不出四服此方加瞿

麥尤佳。

竈心黃土塗 治逆產。

竈底心黃土研五合

以生薑汁和如糊塗產母臍中以帛繫換。

小麥飲 治逆產。

小麥 小豆兩炒一

共末水煎二三錢溫服少頃又服。

鹽粉塗 治逆產足下。

食鹽 胡椒粉

共研勻。用米醋和。塗兒足心。卽順下。

蒜葱熏法 治逆產。

大 蒜七枚

生 薑五錢

葱 白三十

共搗入盆中。以沸湯五大碗。投盆內。速扶產婦坐盆上熏產戶。冷卽易之。三易胎正矣。

丹砂塗 治逆產。

丹 砂五分

用蜜和。塗兒足心。又以丹書兒左足心千字。書右足心里字。

又法

以鍼刺先出足底。足痛還卽順。若手先出卽刺手。

又法

取三家鹽熬令黃。以津唾和。塗兒足心。次取三家飯放兒母手中佳。

艾葉湯 治逆產及子死腹中。

生艾葉五兩

用酒一升煎。旋服則順下。如不飲酒。以水煎服。

蛇脫灰酒 治逆產及子死腹中。

蛇脫 燒灰

研末。用白酒和下。面向東方服一錢。未下再服。

兔絲子酒 治逆產及子死腹中。

兔絲子 炒

為末。酒下一二錢即生。一方以車前子為末。酒下二錢。

蒲黃塗 治逆產。

蒲黃

用水和塗兒手足心即順。

難產

論曰。臨產或難。蓋為正氣擾亂。心神不寧所致。古人有預備方法。臨月用滑胎散。并日行二三十步。貴使血氣下順。產無留難。無令喧雜驚忙。必須產閣溫暖。遇巖

寒之日。四圍燒火。及多備熱湯。焚諸異香。常令湯火氣及身。暗使人看候產婦。纔覺腹痛。速與飲食令飽。無使困乏。飢則雌雞煮粥。渴則白蜜煎湯。或空痛經日。兒胎未動者。宜安心熟忍。以薦蓆鋪牀。就上安產。免為地氣所侵。又就週行三五百匝。或困於行。暫且扶立。須臾又行。如血水俱下。痛陣及腰。此欲產之兆。諸餘法度。宜次序行之。

車前子散 治難產經日不下。

車前子 微炒

滑石

川歸五錢

榆白皮

瞿麥穗 一兩

共末。用酒下二錢。如血水未下。用大黃二錢。煎酒服。胞胎即下。

如意膏 治難產催生。

草麻子 二十一粒
去殼研

丹砂五分

共研如膏。用油紙攤貼臍下小腹間。外用帛緊縛。候產與胞衣下。速去之。稍緩即脫人氣血。此藥覺腹痛便宜用。

牛酥膏 治難產催生。見前

苧蕪根飲 治難產及晚嫁難產。

乳母論云。三十後適人者。謂之晚嫁也。蓋少嫁則筋骨軟弱。故產門易開。晚嫁則筋骨堅強。所以難產。產婦臨月。宜常服之。

苧蕪根

人參

陳皮炒

懷生地

炙甘草

烏梅肉一兩

生薑水煎四五錢。溫服。少頃又服。

燒弓弦散 治難產。

弓弦五寸燒灰研

箭幹五寸燒灰

共研勻。作一服。酒下。

牛酥飲 治數日不產。胎上衝心欲死。

牛酥五錢

冬葵子炒一合

共入袋盛。用酒一升。煮。頻服一鍾。

白芍散 治數日不產。胎上衝心欲死。

白芍

川芎

甘草

川歸

滑石研三分

茯神

陳皮二兩

苧麻根一把

髮灰一分

共末。空心食前酒下二錢。少頃又服。

桂心湯 治難產數日不生。子死腹中。母氣欲絕者服之效。

桂心兩半

木通

牛膝

瞿麥穗

榆白皮二兩

水煎五錢服。

石燕酒 治難產催生。一方兩手握石燕亦產。

石燕

以童便磨取三四錢。微溫。吞赤小豆七粒立產。

子死腹中

論曰。胞衣未下。急於胎之未生。子死腹中。危於胎之未下。蓋胞衣未下。子與母氣通其呼吸。若子死腹中。胞藏氣寒。胎血凝。沍氣不升降。所以難下。古方多以行血順氣藥。及硝石。水銀。礪砂之類。其胎已死。軀形已冷。血凝氣聚。復以至寒之藥下。

之。不惟無益。而害母命者多矣。古人用藥。深於用意。但後生不分子死。理有二端。用藥寒溫。各從其宜。有妊娠胎漏血盡子死者。有墜墮顛撲內傷子死者。有緣久病胎萎子死者。若此之類。遂令生人提掣妊婦。使身體平正。仍以裊蓐自腰抵定。令仰臥開足向地。如欲產勢。連進附子湯三服。後方見即以衣包溫瓦數片。二三人不住手。自臍腹腰脇左右周回熨之。使胞藏溫煖。凝血流動。蓋附子湯能破寒氣。墮胎服之少頃。覺腹內痛陣漸作。惡血漸動。良久必產。此用溫藥之意也。有因傷寒熱病溫瘧之類。胎受邪熱。毒氣內外交攻。因致胎死。胎不即下。留於胞藏。古人慮胎受毒氣。必致脹大。所以用硝石、水銀、礪砂之藥。蓋硝石、水銀之性。不惟使胎不脹大。又能使胎化爛。副以行血順氣之味。死胎即下。臨產更令生人以手體候胎。有橫有逆。有脹有爛。以意治之。庶免留難。凡生產之理。胎活則所生子日月已周。臍繫不養。所以自下。猶之果實既熟。不俟剪折。帶蒂自分。若子死腹中。則所生在母。日月未足。臍繫尙固。猶之果實未熟。枝未雖枯。不折不離。所以在母。行之有法。用之有度。斯無虞矣。凡審死胎。當熟辨有妊之婦。病胎隱伏不動。難認存亡。令生人以煖手就臍下款款按至胎處。覺腹中冷應手。是胎已死。稍溫即非。更看妊

婦外症。面青舌冷。舌下脈青黑。口穢氣。手指甲黑。皆子死之候。

附子湯 治子死腹中。產後氣寒。胎血凝泣。子死難下。破寒墮胎。

附子 大者一枚。生去皮臍切十片去。

生薑五片

水煎稍熱服。經時不下。服桂心湯。

桂心湯 治子死腹中。產後氣寒。胎血凝泣。子死難下。破寒墮胎。

桂心 不見火。 烏頭 大者一兩。

水煎稍熱連用三服。

地黃酒 治子死腹中未下。

懷生地 酒洗搗取自然汁。

用酒煎沸。和地黃汁連三服。胎不下。服牛膝湯。

牛膝湯 治子死腹中。氣血凝結。致子難下。

牛膝 朴硝 三兩 川芎 大黃 炒

桂心 蒲黃 五錢 懷生地 二兩

水煎五錢。去滓。入朴硝一錢。再沸服。連進三服。未下服後瞿麥湯。

瞿麥穗湯 治子死腹中三日不出母氣欲絕。

瞿麥穗 兩半

牛膝

榆根白皮 一兩

木通

桂心 三分

水煎五錢去滓服。連進三服。胎未下服後牛膝湯。

牛膝湯 治子死腹中滑氣血破胞胎。或子死壞爛母氣悶絕者。

牛膝 一兩

川歸

桂心 三分

川芎

蒲黃 五錢

硝石

瞿麥穗 二兩

懷生地汁 一鍾

水煎五錢入汁再沸。連進三服。惡血下子即出也。或胎已損令生人仔細探之。勿令腐肉瘀在腹內。出畢再一二服逐惡。免生他病。

薑汁酒 治子死腹中氣血凝滯不下。

生薑汁 六分

鷄子黃 三枚

白酒 三分

米醋 二分

共酒醋同煎。入薑汁二分再沸。傾碗中。入鷄黃一枚。乘熱打轉。稍熱服。須臾依

上法連進三服。

牛尿塗 治子死腹中。二三日不下。

牛尿

用之塗產母臍腹上并左右。少頃立出。

水銀飲 治子死腹中悶絕者。

水銀一兩

飲下。若母不知人事。幹開口灌下。口幹不開。當於鼻中灌下。令頭稍仰。銀入母腹中立出。

又方

竈中黃土

研末。用酒和服二三錢立下。

息胞

即胞衣不出

論曰。凡產子母已分。而胞衣未下。名曰息胞。蓋由欲產之時。用力太過。產罷又被風寒冷氣所侵。血氣凝澁。乏力運用。以致持久。不惟有妨兒臍。兼亦致害母命。急須提掣產母。使形體平正。氣息少待。可以運動。及以壯氣益血湯散助之。俾氣血

滑利。其胞可下矣。若初生產婦。未經諳練。見胞衣未下。恐妨兒體。輒便剪臍。或誤牽斷。或執握不固。其胞直上掩心。使不盡。天年者多矣。古人剪臍之法。必用慣熟生人。先備金銀銅鐵稱錘之類。用軟熟衣帶一條。就一頭束定。仍留一頭。纔下腹。即將臍帶與衣帶相連結定。以緊牽為度。所貴胞不上掩心也。壯氣益母湯 治胞衣未下。被風寒所侵。血氣凝澁。或氣少力乏。不能運用。胞衣停息。

懷生地

人參

川歸一兩

代赭石醋碎五錢研

木香一分

生薑大棗水煎五錢。稍熱服。少頃又服。以衣下為度。

牛膝湯 治胞衣半出。半不出。或子死腹中。著脊不下。及二三日不產。血氣上衝。

牛膝

秋葵子

榆白皮三兩

懷生地取汁三分

水煎五錢。入汁服。

滑石湯 治胞衣不出。服之爛胞。

滑石

川歸

炙甘草一兩

牛膝

瞿麥穗 兩半

秋葵子 二合

水煎五錢稍熱服。少頃再服。以下為度。
惡血不下。盛於衣中。

鹿角

剉為細末。用酒下一二錢。以下為度。

草麻子塗 治胞衣不下。

草麻子 二十枚

去殼。研如泥。塗脚心。衣下速去。

又方 治胞衣不下。

水銀

用棗肉研不見星。丸皂子大。酒服一丸立下。

冬葵子酒 治衣不下令爛胞。

葵子

阿膠

牛膝

川歸 一兩

共末酒下三錢。

產後門

產後血運

論曰。產後血下或多或少者。皆致血運。蓋血隨氣行。血多者氣虛。血少者氣逆。故也。其候頭目旋轉。精神昏憤。沉默不知人事。治法虛弱者。宜調氣而益血。氣逆者。宜調氣而下血。則治運思過半矣。

玄胡索湯 治產後血運。

玄胡索

川芎 一兩

人參

川歸

牛膝 兩半

懷生地 二兩

水煎五錢。去滓。入蜜少許。稍熱服。

益母草飲 治產後血運。心煩悶亂。恍惚如見鬼神。

益母草汁 如無以土瓜根汁代之。

生地汁

藕汁 半鍾

雞子白 三枚 童子便 一鍾

將四汁煎沸。入雞子白攪勻。分三服連進。

紅藍花湯 治產後血少。運悶嘔逆。

紅藍花 蘇枋木 一兩

水煎四五錢。稍熱服。日二。

薑黃飲 治產後惡血上掩心。如見鬼神欲死。

生薑汁 生地汁 一鍾

用白酒一鍾。同二汁煎十數沸。稍熱服。

醋雞子 治產後血運迷悶。不省人事。唇口冷面青。

米醋 一鍾 雞子 一枚 生一

將醋煎沸。以雞子打破攪勻頓服。

白芍湯 治產後血運。心中迷悶。不知人。錯亂少氣。

白芍藥 懷生地 炙甘草 一兩

生薑水煎五錢。去滓。入蜜少許。連進三服。

丹 參 五錢

產後語言妄亂

論曰。憂愁思慮則傷心。心虛故邪從之。新產之人。內亡津液。而血虛志弱。使人精神昏亂。語言差謬。恍惚不寧。甚者變狂顛之症。治宜補血益心。安心定志。其病自愈。

白茯苓湯 治產後血氣虛弱。精神不定。言語錯謬。

白茯苓

人參

桂心

澤瀉

蒲黃 兩半

懷熟地

川歸

麥門冬

遠志 一兩

共末入蜜杵丸。梧子大。人參湯下三四十丸。

白茯苓湯 治產後心氣不足。血虛狂言。

白茯苓

熟地 二兩

人參

甘草

防風

白薇

龍齒

獨活

遠志 一兩

水煎四五錢。稍熱服。

茯苓湯 治產後血虛。狂言妄語。心志不寧。

茯神二兩

人參

白芍藥兩半

桂心

川歸

炙甘草一兩

生薑大棗水煎四五錢。稍熱服。日二。

遠志湯 治產後血虛心氣弱。為風邪所搏。語言妄亂。

遠志

人參

赤芍

白茯

子芩

獨活

炙甘草

防風一兩

懷熟地二兩

水煎四五錢熱服。日二。

產後中風

論曰。產後血氣未完。風邪乘之。入於經絡。則發為瘧。其候口噤不開。筋脈攣急。面目喎瘳。至於五臟六腑。則隨所中而症候出焉。甚者瘳瘳直視。角弓反張。神志昏塞。便溺遺失。瘳不能言。為中風之證。

小續命湯 治產後失血中風。口眼喎斜。冒昧不知痛處。拘急不得轉側。遺溺失

音。

麻黃 去根節 二兩

人參

附子

川芎

白朮

防己

白芍

子芩 一兩

桂心

甘草 二兩

防風 兩半

生薑水煎五錢服。

大豆酒 治產後中風。背強口噤。或煩熱頭身皆重。身癢及嘔逆直視。皆風溼所致。

致。

大豆 三升

炒令聲斷。用酒五升。沃熱豆中。取豆汁服一鍾。日飲五七次。取微汗。身纔潤即愈。一則去風。二則消血。

麻黃湯 治產後中風。口眼喎斜。身背拘攣。

麻黃 法根 節

桂心 一兩

川芎

白芍藥

防風 二分

竹瀝 二合

白朮 錢五

生薑水煎五錢。去滓。入竹瀝半合。二三服取汗。

地黃酒 治產後中風口噤。筋脈攣急。角弓反張。

生地汁二升 白酒三升 生薑汁二合

用二汁煎數沸。入酒再煎十數沸。任性細飲數杯。若冷多加桂心末二兩。若熱多加藕汁二合。

產後中風口喎

論曰。足陽明胃經。入上齒中。環出。挾口環脣。下交承漿。手太陽經循頸上頰。至目銳眦。此二經皆為風寒所中。使筋脈縮急。牽引於頰。故為口喎。癖不正。語言蹇澁。目不能平視也。

人參湯 治產後中風。口面喎斜。

人參 白芍藥 防己 白朮

甘草 防風 麻黃去節 附子

川芎 子芩 桂心一兩

生薑大棗水煎三錢。溫服。

天麻散 治產後中風。口眼喎斜。筋脈不利。

明天麻

懷生地

白殭蠶糯米炒

玄胡索

獨活

防風

川歸

荊芥穗

桂心五錢

共末。用酒下二三錢。日二服。

獨活湯 治產後中風。口面喎斜。

獨活

防風

川歸兩半

川芎

枳殼

桂心一兩

細辛五錢

蔓荊子兩半

竹瀝

水煎三錢。去滓。入竹瀝半合。再沸服。日二。

竹瀝湯 治產後中風。口面喎斜。手足不隨。語言蹇澁昏昧。

竹瀝

防風

麻黃兩半 去根節

升麻

羌活

羚羊角

川芎

桂心一兩

杏仁八十枚 去

皮尖炒研

水煎三錢去滓。入竹瀝半合。再沸二三沸。少頃再服。取微汗差。
地汁竹瀝飲 治產後中風。口眼喎斜。筋脈攣急。

生地汁

竹瀝各半

獨活兩半

用水二鍾。煎獨活三錢去滓。入地汁、竹瀝各半合。再二三沸溫服。日二。

產後中風角弓反張

論曰。背為陽。腹為陰。陰陽之脈。交相維持。產後血脈不足。風邪中於陽經。使陽月拘急。反引腰背如角弓反張。故以為名。

麻黃湯 治產後中風。角弓反張。筋脈急痛。

防風

人參

白朮

川芎

甘草

川歸

麻黃去根

桂心一兩

附子

乾薑五錢

杏仁去皮尖炒

水煎三錢服。日二。

白茯苓湯 治產後角弓反張。

白茯苓

山仁梔

川芎

川歸

炙甘草 五錢

黑乾薑

吳茱萸

懷熟地

桂心

細辛 一兩

水煎三錢溫服。日二。

黑豆酒 治產後中風。腰背反折。筋急口噤。

黑豆 二升小者

白酒 四升

將豆炒香熟。傾入酒中。去豆用酒。不拘時頻服一鍾。服完再服後地黃酒。

地黃酒 治產後中風。腰背反折。筋急口噤。

生地汁 二升

白酒 三升

生薑汁 二合

先煎二汁數沸。入酒再沸十數沸。任意飲二鍾。若冷多加桂心末二兩。熱多

加藕汁二合。

產後蓐勞

論曰。產蓐之後。食飲起居。失於常度。使氣血不得其養。若血虛則發熱。氣虛則發

寒。氣血俱虛。則寒熱更作。日漸羸瘦。故為蓐勞。又產後惡露未盡。亦令致此。則時寒時熱。腰腹刺痛。甚者不能食。食亦不作肌膚。懷熟地湯。治產蓐勞後寒熱。肢體痛。力乏。

熟地黄 人參 白朮 白茯苓

牛膝 鼈甲 淡竹葉 桂心

麥門冬 川歸 甘草一兩

水煎三錢溫服。日二。

赤芍湯 治產後蓐勞疼痛寒熱。頭目旋暈。多驚盜汗腹痛。大便秘利瘦劣。

赤芍 川芎 人參 丹皮

玄參 五味子 白薇 白茯苓

麥冬 甘草 川歸一兩 熟地二兩

水煎三錢服。

猪腎湯 治產後蓐勞似瘧。寒熱不能食。

猪腎一對 粳米 白芍藥 知母三分

川 歸分半 葱 白五寸

水煮腎取汁。入米煎三錢溫服。日二。

黃耆煮散 治產後蓐勞肌瘦面無顏色。或寒或熱。肢痛頭疼心煩。

黃耆 龍甲一兩 人參

白芍藥

川 歸 白茯苓 桑寄生

麥門冬

熟地 桂心 牛膝

甘草五錢

共末。每用猪腎一對。煮取汁。入薑棗煎三錢溫服。日二。

白薇丸 治產後蓐勞寒熱。體虛瘦弱。不思食。

白薇 附子 熟地

柏子仁

龍甲 川 歸 肉蓯蓉

黃耆

人參 白芍 丹皮

桂心

石 斛 羌活三分 川芎

甘草五錢

共末。蜜丸梧子大。飲下三四十九丸。

產後大便不通

論曰。大腸者。傳道之官。變化出焉。產後津液減耗。胃中枯燥。潤養不足。糟粕壅滯。故令大便難。而或致不通。蓋新產之人。喜病此者。由去血過多。內亡津液故也。訶梨勒丸。治產後大便不通。

訶梨勒皮

人參

懷熟地

大黃酒炒

川歸

大麻子一兩

共末入蜜杵丸。梧子大。米飲下三四十九丸。日二。

人參丸。治產後大便不通。

人參

檳榔兩半

紫朴薑炒

川歸一兩

郁李仁去皮尖
研五錢

共末入蜜杵丸。梧子大。酒下三四十九丸。日二。

大黃丸。治產後大便秘澁不通。

大黃酒炒

赤芍藥

川歸

紫朴薑炒

枳實炒

懷生地

大麻仁三分

共末入蜜杵丸。梧子大。陳米飲下三四十九丸。

升麻湯 治產後大便祕澁。

升麻

大黃一兩

生地

前胡三兩

山梔

川歸一兩

水煎服。

大腹皮湯 治產後下血過多。熱毒氣結燥。大便不通。壅滯氣悶。腰痛脅脹。

大腹皮五枚

枳殼

懷生地

赤芍藥一兩

甘草

天門冬三分

羌活

郁李仁

秦艽五錢

水煎三錢溫服。日二。

蜜煎導法 同上。

白蜜半斤

慢煎令稠。如硬錫。搓指大長二寸。內下部中。仰臥效。

烏梅導法 同上。

烏梅肉

爛搗如泥。入蜜少許。搓內下部中。即仰臥效。

溫中丸 治產後大便不通七八日以上者。

硫黃 生用柳木椎細研

以水浸炊餅糊丸梧子大。用木香湯下一二十九丸。

中和散 治產後大便不通及老少皆可服。

附子 去皮 大黃 一兩同上俱

共末。臨臥飲下二錢。日二。

產後乳汁不下

論曰。新產水血俱下。暴傷津液。氣脈未順。所以乳汁不下。若能調其衝任。治手太陽少陰之經不足。則乳脈自然流行。若其經虛弱。氣脈閉而不通。雖治之亦無益也。

猪蹄湯 治產後乳汁少或不下。

猪蹄 四隻用水五升煮取汁三升

木通

漏蘆

瞿麥穗 一兩

用汁煎三錢溫服。日二。以效為度。

木通湯 治產後乳汁不通。

木通 半兩 子芩

漏蘆 一兩 甘草

水煎三錢溫服。日二。

萵苣子散 治產後乳汁不下。

萵苣子 糯米

水煎甘草五錢取汁。煎三味分三服。

括蕒酒 同上。

括蕒

取大者一枚。搗爛。入白酒煎。溫服。以效為度。

魚灰散 治產後乳汁不下。

鯉魚骨

白芍藥 枳殼 炒五錢

桑皮 竹葉 一把

粳米 半合

燒灰為末。酒下一二錢。

產後妬乳

論曰。氣血流行。上為乳汁。下為月水。上下通達。不失常度。是謂平人。若不通而塞。則為痛。熱氣復來乘之。則為腫。向之流行者。今壅遏矣。倘失調治。則結硬成核。身體壯熱。盛則憎風。遂為乳癰。世傳治結乳閉乳。亦即為妬乳者此也。

升麻湯

治產後妬乳。乳汁不洩。結成癰腫熱痛。

升麻

玄參

白芍藥

生地黃

甘草

連翹

瞿麥穗一兩

射干五錢

水煎三錢。溫服。日二。

二灰散 治乳汁不下。結滯不消。熱腫。

蔓荆子

皂莢刺各燒灰存性一兩

共研勻。用酒下一二錢。日二。

升麻傳 治妬乳結成癰腫。

升麻

木香

檀香五錢

各用成塊。砂盆酒磨相等。用翎傅乳上。

天麻草洗。治妬乳成癰腫。或已破膿血未散。

天麻草不拘多少

用水煎濃汁。頻洗患上。日三四次差。

產後乳結核

論曰。產後乳結核者。以血氣虛弱。風邪搏之。乳脈凝滯。故結而為核。日久不差。蘊積生熱。熱勝則腫。腫甚則成癰也。

枳殼湯 治產後乳結核。或成癰腫。發熱疼痛。

枳殼

木通

人參

白蔞刺炒去

桂心

烏雞骨醋炙

白芍藥

川歸

黃耆

大黃兩炒一

水煎三錢溫服。日二。

麥門冬湯 治產後乳結核及欲作癰腫痛。

麥門冬去心 子芩 木通

人參 赤茯苓 甘草 綿黃耆

桑寄生 防風一兩

大棗水煎五錢。去滓。入沙糖二錢攪服。

川歸散 治乳結核堅硬。

川歸 人參 白芍藥 枳殼麸炒

木通 白蒺藜炒 烏雞骨醋炙 黃耆一兩

桂心五錢

共末。酒下一二錢。日二。

產後乳結癰乳癰并結核 詳前乳癰門

論曰。產後衝任不足。氣血俱虛。其熱潛行入於足陽明之脈。其直行者從缺盆下乳內廉。下挾臍。入氣街中。衝脈者。起於氣衝。並足陽明之經。夾臍上行。至胸中而

散。其經為邪熱攻衝。則血為之擊搏。氣為之留滯。擊搏則痛作。留滯則腫生。內經所謂榮氣不從。逆於肉理。乃生癰腫。產後多有此疾者。以乳汁壅積與氣相擊搏故也。

黃耆湯 治乳結核腫痛。煩熱漸成癰。

黃耆

生地黄

升麻

麥冬兩半

人參

赤茯苓一兩

遠志

川歸

白芍藥

甘草五錢

水煎三錢溫服。日二。

白芍湯 治乳結癰。腫毒敗壞不散。發熱疼痛。

白芍藥

人參

赤茯苓

生地黄

川歸

黃耆

麥門冬

甘草

桂心一兩

生薑大棗水煎三錢。去滓。入朴硝五分。沸服。日二。

甘草飲 治乳癰熱痛未結膿者。

甘草五錢半

括蔓去一枚

用酒。甘草取汁。入蔓瓢再煎服。

括蔓散。治乳癰膿潰未潰。熱痛不已。

括蔓二兩

防風

紫朴

黑乾薑

人參

細辛

共末用酒下二錢。日二。

黃耆膏。治乳癰欲結未結。膿攻痛。

黃耆

白芍藥

川芎

子芩

防風

川連

白斂

川歸一兩

共末用鷄子白和塗患上。日二易。

聖濟總錄纂要

卷二十四

產後門

產後乳結癰

三四

聖濟總錄纂要

清新安程林雲來纂輯

鄞縣曹炳章赤電校點

卷一十五

小兒門

小兒初受氣法

小兒受氣在娠。一月胚。二月胎。三月血脈生。四月形體成。五月動。六月筋骨立。七月毛髮生。八月臟腑具。九月穀氣入胃。十月百神備而生。生後六十日目瞳子成。能頰笑識人。百日任脈生能反覆。百八十日尻骨成能獨坐。二百十日掌骨成能匍匐。三百日髓骨成能倚立。三百六十日爲一期。膝骨成乃能行立。此是定法。若有不依期者。必少壽也。

小兒相法

兒生枕骨未成者。能言而死。膝骨不能成者。能踞而死。掌骨不成者。匍匐而死。踵骨不成。能行而死。胸骨不成者。能立而死。又初生頭四破者不成。啼聲散者不成。汗不流小便凝如脂者不成。此其大略也。

浴兒法

初生浴兒。用猪膽汁一枚投湯中。令終身無瘡疥。湯中勿加生水。浴訖斷臍。生三日浴法。

桃李梅根二兩。水煎浴之。去不祥。令無瘡疥。或入麝香少許

虎頭骨湯浴法 鎮心安神。永無驚風。顛癇。瘡疥。癰癤之患。

- 虎頭骨 五兩
- 赤 金十兩
- 白 芷二兩
- 苦 參四兩

水煮。入猪膽汁浴兒。

口噤

論曰。凡兒初生便口噤不能飲乳者。此由在胎時母臟腑有熱。熏蒸胞胎。熱氣入兒心脾。致初生後熱結於口。點生口中。如黍米大。令兒不能吮乳。名曰口噤。竹瀝飲。治口噤體熱。

竹瀝一合

水頓令溫。分三服。徐徐灌下差。

又方。治小兒口噤。病在咽中。如麻豆許。令兒吐沫。不能哺乳。

雄鼠屎一枚

研塗舌上。與兒飲差。

撮口

論曰。小兒初生。未滿七日。面赤喘促。啼聲不出。乳哺艱難。名曰撮口。蓋因胎中受風挾熱。始生之時。氣血未定。洗浴當風。襁抱失宜。致成斯疾。最為急切。宜速治之。麝香散。治初生胎熱撮口。

麝香

丹砂一分

蛇

脫一尺許
炙赤研

共研。津液和。塗兒唇口上五七次。

牛黃竹瀝散 治胎風熱撮口發噤。

牛黃一分 竹瀝半合

用瀝和黃一字服之。三四歲兒服二字良。

鵝口

論曰。小兒初生。口中有白屑。如粟米狀。鼻外有瘡。至舌上又生瘡。謂之鵝口。此由胎中稟受穀氣偏多。既生之後。心脾氣熱。上熏於口。致成斯疾。蓋心主舌脾之絡。脈散於舌下故也。

爪斷法。治小兒初生。連舌下有膜如石榴子者。中膈連舌下。致令兒語不發。舌不轉也。

以爪甲摘斷。令微有血出無害。若血不止。可燒亂髮灰塗。傅即差。

鵝口

用井華水濃煎汁。以綿纏筋頭拈拭之。如無栗房。以栗木代用。

白礬散 治鵝口不能吮乳。

白枯礬

丹 砂一分

同研細。傅舌上。日二夜一。

又方

白鵝屎

用水絞取汁。瀝塗口中舌上下良。

重腭

論曰。小兒初生。上腭有物脹起若懸癰。或如蘆葶盛之狀者。名曰重腭。此乃脾胃挾熱。血氣不能收斂。令口中舌下。或在腭頰如吹脬。速宜以綿纏長針微露鋒芒。刺腫上決去惡血。則其病可消。若再生再刺。不爾。則脹滿口中。妨害乳食呼吸。不可少緩也。

二乳飲 治小兒重腭。

驢乳 猪乳二合

以二乳和煎。頻服一二匙良。

又方 治小兒重膠。

蛇脫 露蜂房各燒灰

研勻塗口中。差日二。

臍風

論曰。初生斷臍後。臍瘡未愈。不可令犯風邪。及浴水入瘡。溼冷褊抱。皆致臍風。其候臍腫多啼。甚則風行百脈。口噤不乳。身體反強。乃致不救。

錦白散 治初生七日。臍風發腫欲落者。

錦帛燒存性一錢研 雄鼠屎七枚炒研 麝香少許 大棗肉三分

共末。臍欲落不落。用末傅之。忌見外風。

川柏散 治臍風汁出不止。

川柏兩半 亂髮灰一分 釜黑煤三分

共研末。傅上良。

解顛

論曰。腎為一身之骨髓。腦為髓海。若腎氣和平。則骨髓充足。骨髓充足。則顛顛圓滿。若腎氣不足。則骨髓不充。年雖長大。其頭縫尚開。故名曰解顛。又名顛解。

細辛散 治解顛。

細辛

桂心

乾薑炒五錢

共末。用乳汁和傅顛上。日二三。

封顛散 治顛門開解。

柏子仁

細辛

白芨

防風一兩

草烏五錢

共末。乳和傅開處。

蟹足散 治顛門開解。

蟹足炙

白斂五錢

共研末。用乳汁和傅開處。日二。

甘菊湯 治小兒鼻中多涕。是腦門為風所吹。

甘菊花

炙甘草 一兩

防風 五錢

山萸肉 四錢

水煎二錢服。日二。

合顛散 治顛門不合。

防風

白芨

柏子仁 一兩

共末。用乳汁和塗。以合為度。日二三。

鷄血塗 治腦長顛不合。

丹雄鷄

就兒顛上刺冠令血滴顛上。以赤芍藥末粉之。日二次差。

蛇脫膏塗 治腦長髮大顛開不合。臂脛不能勝頭。

蛇脫 燒灰

研末。以猪頰骨髓少許和塗上。日二次差。

顛陷

論曰。人之冲氣內團於胃。上通於頂顙。小兒胃氣冲和。則腦髓充足。顙項自合。若胃熱熏蒸。腑臟竭渴而引飲。或致泄痢。則腑臟血氣虛弱。不能充髓腦。所以顙陷也。

生地散 治小兒臟腑壅熱。氣血不榮。致顙陷者。

懷生地 二兩 酒洗 烏鷄骨 一兩 酥炙

共為末。用米飲下一錢。日二兒小者服三五分。以差為度。

狗頭骨塗 治小兒胃虛。血氣不充。顙陷。

雄狗頭骨 酥炙

研末。以鷄子白和塗顙上。日二三。以差為度。

地黃丸 治小兒胃虛。血氣弱不充足。顙陷。

懷熟地 白朮 白芍藥

桂 心 一兩

共末入蜜杵丸如黍米大。飲下一二十九。日二。

急驚風

論曰。小兒急驚之狀。身體壯熱。痰涎壅滯。四肢拘急。筋脈牽掣。項背強直。目睛上視。牙關緊急。謂其發動掣急。故名急驚。此因心絡受邪所致。蓋心藏神而主血。小兒血氣不和。宿有實熱。若為風邪所乘。則熱盛血亂。血氣相并。則神舍不安。故卒然而驚。古人所謂陽癇是也。

龍齒散 治小兒急驚風。四時傷寒壯熱。口焦乾。目翻露。搐搦昏迷。

龍齒 二錢 丹砂 麝香 五錢 鉛霜 三錢

共末研勻。用水煎。金銀葱白湯下三五分。汗出立愈。

黑神丸 治小兒急慢驚風。

牛黃 麝香 冰片 青黛 五分

膩粉 二錢 蘆薈 京墨 使君子

白麵 一錢

共研。陳米糊丸。芡實大。薄荷湯下一丸。

蠍梢散 治小兒急慢驚風。

蠍梢 烏頭尖 七枚 丹砂 五分 附子 生一

半 夏一枚
共末。柳枝湯下。

慢驚馬風

論曰。小兒慢驚者。癇病發於陰也。由在胎時稟受不足。心氣虛弱。外中風邪。入於臟腑。其發則手足瘈瘲。頭目搖動。牙關緊噤。神情如醉。休作有時。潮搐不定。謂之陰癇。治則外以灸法。內以藥餌。臨機應變。可謂上工。若症見息高。魚口。泄瀉。遺尿者。皆所不治。

羌活煎 治小兒慢驚風。兼內外俱虛。

羌活

防風

人參

獨活

桂心一分

硫黃

水銀二錢

白附子五錢

全蠍

白僵蠶一分

共末。棗肉丸小豆大。防風湯下一二丸。

全蠍散 治小兒慢驚風。兼內外俱虛。

全 蠍五枚 乳香 細辛一分 青黛

白附子五錢

共末。冬瓜子湯下。

珍珠丸 治小兒慢驚風。

珍珠 牛黃 丹砂 雄黃

膩粉一分

共末研勻。用陳米糊丸小豆大。用薄荷湯下五七丸。日二。

睡脾散 治小兒慢驚風。

人參 半夏 膽星 山藥

全蠍 薄荷一分 桑螵蛸四枚

共末入麝香少許拌勻。用粟米飲下五分。

鈎藤煎 治虛風慢驚。

鈎藤 防風 川芎 天麻

麻黃一分 蠍梢 荆芥穗 蟬脫五錢

冰片

麝香一字

白僵蠶

薄荷心 各二十一枚

共末入蜜杵丸。皂子大。用荊芥薄荷湯下一丸。

天竺黃散 治小兒慢驚風。經久不差。

天竺黃

人參

使君子

炙甘草

蠍梢

胡黃連一分

冰片

麝香五分

半夏薑炒

藿香五分

共末。蜜湯下三五分。

天癇

論曰。小兒卒然驚悸。眼目翻騰。壯熱不止。四肢抽掣。上仰如釣縛之狀。名曰天癇。乍作乍止。此風熱痰涎之所發也。良由乳母恣噉五辛熱酒之類。毒熱氣流入乳中。因即乳兒。兒飲熱乳。腑臟風熱。脾胃生涎。痰涎既生。必壅滯不得宣通。致令心神不寧。為天癇之病。

赤靈丸方 治小兒天癇癇病。急慢諸風。

丹

砂研水飛過

人

參各一兩為末

酸棗仁研二兩

乳

香研半兩

白麵二錢

生蜜和膏入新竹筒內。以油紙封扎定。坐飯甑上炊。俟飲熟為度。分作三十九。每一丸分四服。薄荷湯化下。更量兒大小服之。

白殭蠶散方 治小兒天癩。

白殭蠶炒

馬牙硝

鬱金

乾

蠍去土炒

為散。每服一字匕。乳汁調服。甚者半錢。不拘時候。

天南星散方 治小兒天癩。

天南星大者一枚掘地作坑安磚子一片先用火燒赤後放南星於熱磚上用酒半升頃天南星上即用盞子蓋之候冷

為散。每服一字。溫酒調下。二歲以下用乳汁調。

備急塗頂膏方 治小兒天癩。

烏頭末

芸薑子末各二錢

每用一錢。新水調傅兒頂上。

諸疳

論曰。疔之為病多矣。錢氏謂二十以下為疔。二十以上為勞。二症同出而異名也。總之不外毛髮焦稀。口嚙唇白。眼昏脊聳。肚脹腸鳴。或食炭米泥土等物。又有五疔之分。心疔即驚疔。其症壯熱。臉赤唇紅。口瘡盜汗。煩渴便赤。虛驚是也。肝疔即風疔。其症搖頭側目。白膜遮睛。筋青燥渴。汗多下痢是也。腎疔即急疔。其症腦熱。肌削手足如冰。寒熱時來。滑泄肚痛。口乾爪黑是也。肺疔即氣疔。其症咳嗽喘逆。皮膚粟立。口鼻作癢。生瘡流涕。咽喉不利是也。脾疔即食疔。其症身黃困倦。肚大脚細。水穀不消。瀉下酸臭是也。此五臟成疔之謂也。其外又有脊疔。腦疔。蟲疔。蛔疔之不同。疔渴。疔瀉。疔腫。疔勞之各異。然詳其始。幼者不出哺乳失常。大者不過甘肥無度所致。總在隨症斟酌治之。不可執一端以誤事也。蓋疔者乾也。因脾胃津液枯涸。治宜調補胃氣為主。

福建剪紅丸 治小兒疔積初起。各種疔症。皆宜服之。

- | | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|
| 檳 | 榔 | 一 | 觔 | 大 | 黃 | 一 | 觔 | 牽 | 牛 | 末 | 一 | 觔 | 雷 | 丸 | 五 | 錢 |
| 三 | 稜 | 六 | 兩 | 蓬 | 朮 | 六 | 兩 | 貫 | 衆 | 五 | 錢 | 商 | 陸 | 五 | 錢 | |
| 沉 | 香 | 五 | 錢 | 藿 | 香 | 五 | 錢 | 木 | 香 | 五 | 錢 | 丁 | 香 | 三 | 錢 | |

青木香 三兩

速香 五錢

香附米 二兩

生漆渣 四兩

棟樹根 七兩

牙皂 煎入兩

茵陳 煎入兩

金毛狗脊 煎二兩

不煎汁者各為細末。再用史君子肉二兩。同大黃好酒浸一日夜。先放柏葉於鍋底。次放大黃。史君子肉在上。酒煮三炷香。取出二味。晒乾為末。各色先以一圈者。檳榔、牽牛末跌起。次用二圈者。次用三圈者。次用四圈者。將前汁跌為丸。以百草霜為衣。看兒大小虛實。自一錢至三錢止。空心溫茶送下。

蘆薈肥兒丸 治諸疖並鼻下生瘡。愛喫泥炭米土諸物神效。

五穀蟲 二兩

蘆薈 一兩

胡黃連 兩炒一

川黃連 薑汁炒一兩

銀柴胡 二錢 炒一兩

扁豆 兩炒二

山藥 微炒二兩

山查肉 飯鍋內蒸透 二兩 五錢

山蝦 肥大者 四隻 煨

肉苳 麵裹煨去 油七錢

檳榔 六錢

史君子肉 五錢 一兩

神麩 兩炒二

麥芽 炒一兩 六錢

鶴虱 炒八錢

蕪荑 炒去皮 一兩

砂 二錢

麝香 五分

共為細末。醋糊為丸。如黍米大。每服大者二錢。小者一錢。米飲湯下。

蒸雞丸 治腎疖成勞。骨蒸潮熱。盜汗瘦弱。腹急面黃。食不生肌。日哭夜啼。

黃連

柴胡

蕪荑

鶴虱

秦艽

知母

丹參

史君子肉等分

右為末。用黃雄雞一隻。重一斤者。籠之。用大麻子飼之。五七日。去毛令淨。於背
 上開一孔。去腸肚拭乾。入前末藥於雞腹內。以線縫之。先以黑豆鋪三寸於甑
 底。再安雞於甑中。仍以黑豆蓋滿。自朝蒸至晚。候溫冷。取雞肉研爛。同前末藥
 入酒麵糊丸。如赤豆大。二歲者米湯吞服二十九。十五歲溫酒吞五十九。忌猪
 雞肉。

無辜疔

論曰。小兒病面黃髮直。時時壯熱。飲食不生肌膚。頭項生核狀如瘤贅。以無辜而
 得。故名無辜疔。由小兒嗜肥甘過多。蟲因甘動。內緩脾氣。飲食不調所致也。治之
 當如治諸疔之法。凡小兒頭項有核如彈丸。按之虛軟。法當去之。為此核初生。輒
 而不痛。中有蟲如米。得熱氣則能蔓生。蝕小兒腑臟。故外證肌瘦。毛髮聳直。下
 痢膿血。體常瘡癩。膿漏不已也。無辜疔者言天有鳥名曰無辜。晝伏夜游。洗浣衣
 被露之經宿。或遇此鳥飛從上過。將衣被與小兒

穿臥便令兒有所據
古人立言必有所據

丹砂丸方 治小兒一切無辜。黃瘦腹痛疳痢。或有蟲冷熱。悉宜治之。

丹砂

雄黃

乾蝦蟆一枚去頭足塗

石菖蒲

漏蘆各一兩

麝香一分

以菖蒲、漏蘆為末。與餘四味入乳鉢同研勻。再羅粟米飯為丸。如麻子大。每服

二丸。米飲下。空心後午各一服。隨兒大小加減。

蘆薈散方 治小兒無辜疳氣。寒熱積滯不化。心腹脹痛。

蘆薈研

人中白研

蝦蟆炙黃各半兩

麝香研一分

為散。再合研令細。每服一字至五分。熟水調下。不拘時。日二服。後當下惡物。量

大小加減。

鼈甲丸方 治小兒無辜疳。

鼈甲醋炙黃去裙

黃連

桔梗炒

夜明砂各一兩

訶梨勒皮一兩半生熟

麝香一分

乾蝦蟆雄者一枚塗酥炙黃

為末。以糯米飲為丸。如菉豆大。粥飲下七丸。疳痢亦宜服。日三。量大小加減。

哺露丁奚

論曰。小兒乳哺不調。傷於脾胃。脾胃衰弱。不能飲食。血氣減損。不榮肌肉。而柴辟
羸露。其臟腑不宣暢。則吸吸苦熱。謂之哺露也。丁奚者黃瘦腹大頸小與無辜哺
露二候大體相似以輕重立名也
十全丹 治丁奚哺露。

陳皮

川芎

青皮

莪

朮煨

五露脂

白豆蔻

檳榔

蘆

薈各五錢

木香

史君子

蝦

蟆各二錢

右為末。猪膽汁浸糕。糊丸麻子大。每服二十九。米飲下。有熱薄荷湯下。

赤芍

大黃微炒

鼈

甲醋塗炙令黃去
裙襖各三分

桂心

柴胡

赤茯苓

各等分

右件藥搗為末。鍊蜜和丸。如麻子大。每服五丸。日三服。
人參丸 治小兒羸瘦。腹大青筋。及丁奚等病。

人參 麥冬去心 半夏 夏湯洗 黃耆

大黃微炒 茯苓 荅 柴胡 黃芩各三分

甘草炙 芎藭半兩 訶梨勒皮煨用 鼈甲醋炙黃去邊各一兩

右件藥搗羅為末。煉蜜丸如麻子大。一二歲以粥飲下三丸。四五歲五丸。日三服。量意加減用。

嘔吐

有物有聲名曰嘔。有聲無物則曰乾嘔。有物無聲曰吐。皆因胃氣不和。陽明之氣下行則順。今逆上行則嘔吐。有因胃寒。胃熱。痰水。宿食。氣攻之症。有乳吐。熱吐。寒吐。冷吐。傷食吐。傷寒吐。各受症不一。治法不同。但兒啼未定。氣息未調。遽以乳飲之。其氣尚逆。乳不得下。停滯胃中。則令嘔吐。又乳母貪涼。冷氣入乳。兒若飲之。亦生嘔吐。或因宿食未消。或解脫衣服。因受風冷之氣。入於腠理。則腹脹痛嘔吐。熱吐者先去風痰。冷吐者宜固胃氣。痰吐宜下其痰。次與固正氣之藥。食吐者當與塌氣諸症。豈可一概治之。吐瀉不止。脾虛生風。眼開風驚。眼合慢驚。慢脾當要固。

養正氣。若仍以驚藥治之。則效不旋踵。若不參詳治療。豈不誤哉。
加味二陳湯 治胃有熱。膈上有痰。以成嘔吐。

半夏製

橘紅

茯苓

甘草炙

黃連薑汁

山梔子炒黑

生薑各等分

水一鍾。煎至六分。緩緩熱服。

加味理中湯 治寒痛嘔吐。

人參

白朮

乾薑

甘草

丁香

右藥各等分。用水一盞半。煎六分熱服。

藿香正氣散 治小兒風寒嘔吐。

藿香

紫蘇

陳皮

桔梗

大腹皮

甘草

茯苓

厚朴

白芷

半夏麩

右剉為末。每服二錢。加薑一片。棗一枚。水一盞。煎至六分。去滓溫服。

竹茹湯 治小兒積熱嘔吐。

葛根三錢 半 夏製 竹茹各二錢 甘草一錢

共為末。用水一盞半。煎八分。去滓。臨服加生薑汁一茶匙。

朱沉丹 治小兒嘔吐不止。

硃砂二錢 沉香三錢 藿香三錢 滑石半兩

丁香 香粒十四

右為細末。每服半錢。用新汲水一盞。芝蔴油滴成花子。抄藥在上。須臾墜。瀘去

水。却用別水。空心送下。

紫金核 治小兒一切嘔吐。

半夏湯洗製 人參 白朮 木香

丁香 香錢各二錢 藿香三錢

右為細末。稀麵糊為丸。如李核大。後用沉香一錢為末。硃砂一錢。水飛二味。同

研勻為衣。陰乾。每服一丸。用小棗一枚去核。納藥在內。溼紙裹燒熟。嚼與小兒

服。後以米飲壓之。

聖惠散 治心神煩熱嘔吐。

麥冬半兩 淡竹茹半兩 甘草 人參

茅根 陳皮去白各五分

右為末。每服二錢。水一盞。薑三片。煎至五分。溫服。日二三服。

綠豆飲 治嘔吐誤服熱藥。

綠豆粉一兩 黃連 乾葛 甘草各五錢

右除豆粉外。餘藥三味。共為細末。入乳鉢同菘豆粉杵勻。每服半錢至一錢。溫豉湯調服。

噦吐乳

論曰。小兒初見乳自流出。謂之噦。噦之不已。謂之吐。吐之不已。則作嘔吐。嘔吐不已。則傳噦。噦之不已。即作噦。自嘔。噦皆由出聲。動氣嘔者。口開而作。噦者。心胸上下氣逆鬱結。噦者。無物可出。即膈虛胃寒。引氣噦噦作聲。皆由哺乳冷。冷乳入胃。與胃氣相逆。冷傷胃氣。不得宣通。故作噦也。此候若不調和胃氣。養正祛邪。須

史症變而慢驚。慢脾風者立至也。

又曰小兒嘔嘔吐噦四症。皆胃有傷而發。嘔則如簷水射出。嘔則開口而作。吐者吐出有物。噦者無物可出。失於調治。則慢驚由此而成。四者之候雖同。而每症之寒熱虛實異。必須察其脈症以治之。

六君子湯 治小兒胃寒作噦。

人參

白朮土炒

茯苓

甘草炙

陳皮

半夏製各等分

右剉咀。加薑三片。水二鍾。煎八分。溫服。

泄瀉

論曰。小兒肌膚脾胃脆弱。若解脫不時。風邪易侵。客於肌肉。搏於胃經。則為胃風。其狀腹善滿。食寒則泄。診形瘦而腹大。蓋足陽明胃之經。其支者起胃下口。循腹裏。下至氣衝。故風冷入中。則腹善脹大。又胃為水穀之海。得寒則食物不化。氣血虧損。故泄瀉而形瘦也。

胃風湯方 治小兒胃風泄痢。腹脹腸鳴。

人參 白茯苓 川芎 桂心

白芍藥 當歸 白朮

每服一錢。入粟米半匙。同煎溫服。空心食前。日二。以意加減。

訶梨勒湯方 治小兒胃風腹脹。得冷則瀉痢。

訶梨勒皮煨用 當歸炒 黃連炒各一兩 甘草炙

木香 乾薑各等分

每服一錢。水煎放溫。不計時候服。

厚朴散方 治小兒腸胃風冷。泄痢水穀。腹脅脹滿。不欲食。

厚朴薑汁炙 黃連各半兩 丁香 肉豆蔻

當歸 木香 龍骨 白朮各一分

為散。每服半錢。以粥飲下。食前服。日三。量意加減。

洞泄注下

論曰。小兒下痢不止。食已即泄。名爲洞泄注下。此由風邪客於腸胃。方春之時。爲風冷所傷。藏在肌肉。至長夏陰氣方盛。或因飲食居處不慎。復被風冷入於腸胃。其病下痢。冷盛則重。故爲洞泄注下。俗謂之水穀痢是也。病本於風。若甚則變胃風證。

草豆蔻湯方 治小兒洞泄不止。

草豆蔻 二枚 去皮

高良薑

人參

甘草 各一分

乾木瓜 一分

白茯苓

桔梗 炒各半兩

每服一錢。生薑七片。水煎分三服。乳食前各一量加減。

梁米湯方 治小兒洞泄注下。水穀不分。

梁米

稻米

黍米 各三分

蠟 如半大

以東流水二升。煮梁米三沸去滓。留汁煮稻米三沸去滓。復以汁煮黍米三沸去滓。置蠟於汁中和之。候蠟消放溫。每以半合。分爲二服。空心、午後各一。更量兒大小加減。

厚朴湯方 治小兒泄瀉不止。

厚朴薑汁炙

黃連去鬚各一兩

一二歲兒每用一錢。薑二片。水煎分溫二服。空心、日午各一。量大小加減。

黃連丸方 治小兒腸胃虛寒。洞泄下痢腹痛。

黃連炒半兩

乾薑

吳茱萸炒各三錢

肉豆蔻三枚

草豆蔻一枚

為末。燒粟米飯和丸。如菘豆大。每服七丸。乳食前米飲下。量兒大小加減。

燕口瘡

論曰。小兒燕口瘡者。口吻兩際瘡生如燕口。世亦謂之肥瘡。此由脾胃客熱上衝口唇。熏發為瘡。或者以燕泥和麝少許傅之甚良。蓋治之以其意也。

胡粉散方 治小兒燕口瘡。

胡粉炒研一分

黃連末半兩

二味同研勻。以少許傅瘡上。

治小兒燕口及口內生瘡方。

殺羊髭燒灰

一味研細。以臘月豬脂和。日三四上塗之。

又方

雞脰脰黃皮不拘多少燒灰

一味研為末。以乳汁調半錢。日三。

黃柏皮散方 治小兒燕口瘡。

用黃柏皮為末。甄汗。調塗。傅瘡上差。

語遲

論曰。心為言。肝為語。其經屬於手少陰。足厥陰。其氣上通於舌。舌者聲之機。若稟受之初。母懷驚怖。則子之心火不足。而肝木弱。令機關不利。氣不宣揚。而語遲期者。有經數歲月而不能言者。

雞頭丸方 治小兒諸病後。六七歲不能語。

雄雞頭燒炙一枚

鳴蟬去翅足三枚

甘草炙半

麥門冬一兩

大黃兩半 當歸三分 黃耆三分 川芎三分

遠志半兩 木通半兩 人參一兩

為末。鍊蜜丸如菉豆大。每服以粥飲送下五七丸。量兒大小加減。不計時候。

菖蒲丸方 治小兒五六歲不語。

菖蒲 人參 黃連各半 丹參

赤石脂各三 天冬去心 麥門冬去心各

右為末。鍊蜜丸。如菉豆大。每服五七丸。溫水下。不拘時候。日三。量兒大小。以意

加減。

齒一不生

論曰。牙齒是骨之所終。髓之所養。手陽明足陽明之脈。並入於齒。若血氣充實。則骨髓強盛。雖其齒損落。猶能更生也。若虛弱者。血氣衰耗。風冷乘之。致令齒久不生。假令生者。齒齩或蟲落。不能復生也。

治小兒牙齒不生方

雄鼠糞二七枚

一味。每日用糞一枚。齒根上拭。至二十一日。其齒即生。

又方

道傍遺稻粒

一味於齒根落處點三七下。其齒自生。

治小兒齒不生無問遠近皆得便生神效方

雄雞糞二七枚
頭尖者 雌雞糞二七枚
頭圓者

右二味。用火燒灰存性。先用鍼挑開齒斷上。後以雞糞灰點之。

涎液不收

論曰。小兒因氣不升降。膈腕否滯。致令乳飲不化。流入胃中。隨氣上溢。故令多涎。其候胸滿短氣。飲食遲化。內經謂脾為涎。當調脾胃。升降其氣。則病可愈。

半夏丸方 治小兒脾胃氣不升降。氣溢於上。涎液不收。

半夏炒一

白礬生研

先以半夏爲末。再入白礬和勻。麵糊和丸。如粟米大。每服五七丸。量輕重加減。食後臨臥薑湯下。

桑白汁方 治小兒脾熱。乳食不下。胸膈痞悶。涎溢不收。

新桑根白皮不計多
少細剉

自然汁塗於兒口內立效。如無新桑根白皮。取乾者一兩細剉。用水一盞。煎一半。放溫塗兒口亦可。

是書三副湊合。仍缺小兒方五卷。一百七十三卷卷至止。余於祕閣內府江浙齊梁諸鑒古家。遍訪無有藏本。欲補全而未能。同學項視菴搜求小兒今古方論。補全五卷。議論簡要。方法詳明。可稱全璧矣。諸疳以下。卽其所補也。

黃海程 林識

聖濟總錄纂要

卷二十五

小兒門

涎液不收

聖濟總錄纂要

清 新安 程 林雲來纂輯

鄞縣 曹炳章赤電校點

卷二十六

神仙服餌門

神仙服草木藥石

論曰。神仙服草木。必取其柯葉堅固。形質不變。若松柏、茯苓之類。其意蓋以延年益壽爲本。至於其他。非具五行之秀。則必備四氣之和。其意深矣。千金謂服餌大法。必先去三蟲。三蟲既去。次服草藥。草藥得力。次服木藥。木藥得力。次服石藥。精麤相代。由麤以至精。其序不可紊也。

黃精丸方 延年補益療萬病。

黃精十斤洗令淨蒸爛熟白蜜三斤天門冬三斤去心蒸令爛熟

拌和令勻。置於石臼內搗一萬杵。再分為四劑。每一劑再搗一萬杵。取出丸如梧桐子大。每服三十丸。溫酒下。日三。不拘時。

兔絲子丸方 明目進飲食。益精壯下元。

兔絲子一斤酒浸三日控乾搗末甘菊花去杜

拌和令勻。鍊白蜜為丸。如梧桐子大。每日清晨至晚後食前。以溫酒送下二十丸至三十丸。進食倍常。頻頻泄氣。是藥之應。若諸般眼疾黑花昏暗者。並宜服之。

黃精酒方 延年益壽。返老還童。除萬病。

黃精五斤天門冬去心三斤松葉各五斤枸杞根各五斤

搗為麤末。以水三石。入前藥在內。煮二石。用糯米一石。細麵麩半秤。蒸米麩入在前藥水中。封閉二七日。熟。任性飲之。

地髓散方 長年保命。

生乾地黃四兩香附根 茜根 地骨皮洗焙

菴藺子

茅草根各一

右六味擇日修合。春用甲子。夏用丙子。秋用庚子。冬用壬子。搗羅為細散。每日早晨溫酒調下一錢匕。午後再服。五十日後。諸疾不生。身體輕強。養血去風。治吐血、衄血、失血諸疾。

靈仙散方 輕身延年却老還童。

白茯苓一兩

巨勝子酒浸半斤 天門冬去心

白朮

杏仁去皮

乾黃精各一

右六味搗羅為細散。每於食前水飲下三方寸匕。日二服。或以蜜丸如赤小豆大。每服三十丸。溫水下。

松實丸方 延年復命。

松實

柏實淨揀各三兩

松脂鍊成十斤

甘菊花五升

為細末。鍊蜜和搗五六百下。丸如梧桐子大。每日食後。午前溫米飲下二十丸。漸加至三十丸。至百日不飢。顏色光潤。

胡麻散方 益壽延年去客熱。

胡麻子

白茯苓

生乾地黄

天門冬去心各八兩

為細散。每服方寸匕。食後溫水調下。

芡實散方 河上公益壽延年

乾雞頭實五兩

忍冬莖葉揀無蟲汚新肥者

乾藕斤各一

三味。於甑內炊熟。暴乾。搗羅為細散。每日食後新汲水調下一錢。

益壽地仙丸方

甘菊花三兩

枸杞二兩

巴戟天二兩

肉苳蓉

酒浸一宿洗淨切片焙乾四兩

為末。鍊蜜和丸。如梧桐子大。每日空心鹽湯或酒下三十九。久服清頭目。補益丹田。駐顏潤髮。春秋枸杞。菊花加一倍。冬夏苳蓉。巴戟加一倍。服餌勿令斷絕。

辟穀木耳丸方

木耳搗末

大豆

炒熟搗末各八兩

大棗

煮熟去皮核研一斤

三味。鍊蜜和丸。如雞子大。有食日服一丸。無食日服二丸。逢食即食。無食亦不飢矣。

服松脂辟穀不老方

松脂五斤

桑灰汁一石

二味以灰汁一斗於釜內煮松脂三五沸取接置冷水中候凝復煮之如此十度乃止逐度易灰汁并換冷水其脂白矣取鍊成白脂研羅為末每服一匙頭以酒或米飲調下空腹日午近晚服若至十兩以上不飢一年以後夜視明目久服不老

絕穀升仙不食方

松實去皮

菊花等分

二味為末鍊過松脂和丸如梧桐子大或鍊蜜為丸每服十丸酒下日三服可至二十九亦可作散服二錢空心日午近晚各一服

天門冬丸方 辟穀延年

天門冬

白茯苓

白蠟

白蜜

白羊脂

去膜各一斤

先搗羅天門冬茯苓二味為末次以清酒五升入大鑊中煎三沸內羊脂煎三

五沸。又內蜜并蠟煎五沸。掠去沫。次入天門冬、茯苓末。用柳木篦不住手攪令勻。火勿令猛。候煎成膏。可丸。乃丸。如櫻桃大。又取大杏仁一升。浸去皮尖雙仁。研如膏。傾入淨通油瓷餅內。坐慢灰火中。內前藥丸子於杏仁膏中。養令色白。即取離火。每服三丸。空腹溫酒下。

廣福延齡丹方 去三尸。潔臟腑。鎮七魄。明耳目。

丹砂研

雄黃研如粉

人參

白茯苓各二兩

白朮

乳香研四兩

右六味。各搗研為末。和勻。入銀器中。用白蜜和如稀膏。以油單封口。又以水和白麵裹器物外。厚兩指許。每日於飯上炊。候飯熟取下。如此半月。如藥乾更入蜜丸。如梧桐子大。空心溫酒下二十九丸。忌羊血。其功甚大。

神仙巨勝丸方 輕身壯陽。却老還童。去三尸。下九蟲。除萬病。即黑芝麻

巨勝二斤酒浸一宿九蒸九晒

牛膝酒浸切焙

巴戟天

天門冬

山藥

柳桂

熟乾地黄

酸棗仁

覆盆子

兔絲子酒浸別搗暴乾

遠志去心

菊花

人參

白茯苓各一兩

揀擇淨為末。鍊蜜丸。如梧桐子大。每日空心溫酒下二十丸。服一月身輕體健。萬病不侵。

青元子返童散方

輕身延年。除百病。去三尸。

天門冬

人參

白茯苓

麥門冬

白菊花

各六兩

為散。每日溫酒或飲調下三錢。不拘時候服。三年身輕。

補益門

平補

論曰。一陰一陽之謂道。偏陰偏陽之謂疾。不明乎道。未有能已人之疾者。世之貪藥石。惟務酷烈。非徒無益。反傷和氣。故方論平補之法。欲陰陽適乎其中也。

平補五臟延年治百病方

兔絲子

酒浸七日

炒黃三兩

覆盆子

車前子

巴戟天

遠志

生地黃

白朮

細辛去苗葉

何首烏

菖蒲

地骨皮

牛膝一兩

續斷

菊花去梗萼各一兩半

除菊花外。以溫水和酒少許。洗過焙乾。杵羅為末。鍊蜜丸。如梧桐子大。每日空心常服三十九。男子鹽湯下。婦女醋湯下。午食前更一服。至十服。其人病有發時。是藥動病本功應也。

枸杞丸方 平補心腎延年駐顏。

枸杞子

肉蓯蓉酒浸一宿

菊花

黃耆塗酥炙

桂心

牛膝酒浸一宿

生乾地黃酒浸一宿

遠志

山藥各一

人參

白茯苓

柏子仁炒酒浸各一兩半

右為末。以浸藥酒煮。麵糊丸。如梧桐子大。每服空心酒下三十九。鹽湯下亦可。無比山藥丸方。平補諸虛百損。五勞七傷。頭痛目眩。手足厥冷。或煩熱有時。或冷痺骨疼。腰髓不隨。飲食雖多。不生肌肉。或少食而脹。體無光澤。陽氣衰絕。陰氣不行。此藥能補經脈。起陰陽。安魂魄。開三焦。破積聚。厚腸胃。強筋練骨。輕身。

明目除風去冷無所不治。

乾山藥二兩

肉蓯蓉

四兩去皺皮酒洗焙

五味子二兩

兔絲子

酒浸三兩研爛焙乾

杜仲炒三兩

牛膝

酒浸二兩

山茱萸二兩

熟乾地黄二兩

澤瀉一兩

茯苓

去皮二兩

巴戟二兩

赤石脂

一兩一方有遠志二兩

右為末。鍊蜜和丸。如梧桐子大。每服二十九至三十九。食前溫酒下。溫米飲亦得。服之七日後。令人身輕健。四體潤澤。脣口赤。手足暖。面有光悅。消磨飲食。身體安和。音聲清響。是其驗也。十日後長肌肉。此藥通中入腦。鼻必酸疼。勿怪。

六神丸方。平補諸虛。大益氣血。

石菖蒲

地骨皮

生乾地黄

遠志

各等分

牛膝

酒浸

兔絲子

酒浸炒

右為末。鍊蜜丸。如梧桐子大。每服二十九。空心食前溫酒或鹽湯下。加至三十丸。

山藥四倍丸方。平補除風痰。益年壽。

山藥半兩

枸杞子一兩

甘菊花二兩

熟乾地黄四兩

為末。鍊蜜丸。如梧桐子大。空心食前鹽湯下三十九丸。溫酒亦可。

補骨脂丸方 平補諸虛益精壯陽

補骨脂

松脂

白茯苓

山藥

各八兩

杏

仁去皮尖雙仁炒三升

胡桃肉

大棗

各一斤

桂心

牛膝

酒浸

澤瀉

菖蒲

薏苡仁

草薺

檳榔

各一兩

鹿角膠

炙燥十兩

獨活

蛇牀子

蒺藜子

炒去角各一兩

生地黄

取汁廿斤

右除地黃汁外。為末。以水煎至地黃汁成膏。入藥點蜜和丸。如梧桐子大。每服空腹溫酒下三十九丸。

峻補

論曰。陰陽之氣。本自和平。過則生患。峻補之藥。施於倉卒。緣陽氣暴衰。真氣暴脫。或傷寒陰證諸疾。急於救療者。不可緩也。蓋人稟受有限。嗜慾太過。病疾橫生。固當取陽氣以扶衰弱。則峻補諸方。經所謂補下治下。制以急急。則氣味厚者。此之

謂也。

青硫丸方 治久冷峻補元藏。

硫 黃一斤酒甘草水浸研三日

牛 膝酒浸三兩

白豆蔻去殼二兩

附 子去皮臍 木 香二兩

山茱萸各四兩 肉豆蔻去殼二兩

艾 葉乾一兩

為末拌勻。蒸木瓜肉和搗為丸。如梧桐子大。每服十九至十五丸。空心鹽湯下。如脚腰疼痛。用木瓜湯下。

益神丸方 補元藏久冷。

硫 黃酒并甘草水研一日 木 香

肉豆蔻

檳 榔

桂 心 青橘皮去白各一兩

附 子去皮臍

乾 薑各一兩

為末和勻。用糯米粥丸。如梧桐子大。每服十九至十五丸。空心酒下。

補虛益氣

論曰。形不足者溫之以氣。精不足者補之以味。形精相感。氣血生化。則榮衛循流。

不失其度。食飲不節。起居靡常。嗜慾過度。神憊精搖。則真氣將耗。虛損之疾。由是而生。治法當補虛益氣。

免絲子丸方 補元藏。益脾胃。止腹臍疼痛。思進飲食。固真氣。美顏色。

免絲子 水淘去浮者用 酒浸七日別搗

草 薺 各二兩

肉蓯蓉 酒浸一宿四兩

黑狗脊骨并髓 炙焦一兩半 黃者亦佳

枳 實 炒一兩

熟乾地黄 二兩

山藥 一兩

為末。酒煮麵糊丸。如梧桐子大。每服三十九。米飲下。空心。食前各一服。

地黃沉香丸方 治上熱下冷。五勞七傷。補益虛損。

沉香

鹿茸 酒浸 酥炙

肉蓯蓉 酒浸

牛膝 酒浸

附子 去皮臍 各三兩

免絲子 酒浸一宿別搗末三兩

黃耆

熟乾地黄 四兩

蒺藜子 炒二兩

巴戟天

川芎

石斛

山茱萸

木香

羌活

補骨脂

蛇牀子

楝實 取肉

人參

桂心

藁香子 炒

檳榔

骨碎補

安息香胡桃二枚
研各一兩

右為末。別取地黃自然汁七升。棗膏四兩。酒三升。蜜半斤。酥五兩。於銀石器中熬如膏。放冷。入羯羊筒骨內髓半斤。鍊油去滓。和前末杵千百下。丸如梧桐子大。每空心溫酒或鹽湯下三十九丸。加至四十九丸。

四補丸方 益氣血。補元藏。悅顏色。

柏子仁生絹
袋盛

何首烏切片

肉蓯蓉切片

牛

膝生絹袋盛
各三兩

用酒三升。春夏浸七日。秋冬浸二七日。取牛膝。柏子仁。先搗如泥。次將何首烏。蓯蓉。杵得所。為丸。如梧桐子大。每服二十九丸至三十九丸。空心溫酒下。

補虛益精髓

論曰。內經謂腎者主水。受五藏六腑之精而藏之。又曰。腎之合骨也。骨者髓之府。故嗜慾過傷。精髓耗憊。則必用補腎之劑以益之。凡病虛則補之。不必專用熱藥。若腎虛之證。尤當以益精髓為先。聖濟經謂陽劑剛勝。則曰天癸竭而榮涸。蓋謂此也。

覆盆子丸方 治五勞七傷。骨髓虛憊。

覆盆子

鹿茸去毛酥炙

巴戟天

五味子

桂心

山藥各半兩

黃耆

牛膝酒浸

熟乾地黄一兩

遠志一分

肉蓯蓉酒浸

石斛各三分

右為末。鍊蜜丸。如梧桐子大。空心溫酒下三十九丸。

仙丸方 補不足。填精髓。除風變白。

生地黄廿斤取汁

生牛膝十斤取汁

生薑三斤取汁

兔絲子酒浸別取末

挑仁去皮尖雙仁炒

杏仁酒浸去皮雙仁

巨勝子瓶內炊熟暴乾九遍湯浸去皮炒研

蒺藜子各一升

白蜜

先將地黃汁量三升。入銀石器內浸。到處刻記定。次入餘地黃汁。慢火煎至刻處。次下牛膝汁。又煎至刻處。其火常令如魚眼沸。次下杏仁。桃仁末。次下巨勝末。次下蒺藜末。次下兔絲末。又下白蜜。攪勿住手。候可丸。即搗三千杵。丸如梧桐子大。每服空心溫酒下三十九丸。加至四十九丸。晚再服。百日後白髮變黃。二百日後從黃變黑。諸風悉除。尤補腰腎。益氣明目。

金鎖丸方 壯元氣。益精髓。補虛損。

龍骨 一兩茅香湯浴
三遍研如麵

蓮花蕊 七八月
採二兩

雞頭粉 三分

山茱萸 酒浸
取肉

沉香

肉蓯蓉 酒浸
去皮

附子 去皮
臍

桂心

丸。為末。以金櫻煎膏丸。如無即鍊蜜丸。如梧桐子大。空心溫酒下二十九至三

地黄煎方 治精極。填骨髓。

生地黄 取汁

牛酥 一斤

白蜜 一斤

以慢火煎地黄汁減半。內牛酥。更煎良久。次下蜜攪勻。候稀稠得所。瓷器盛。

日空心食前溫酒調下數錢。

靈芝丸方 治脾腎氣虛。補骨髓。通利耳目。

蒼朮 一斤米泔
浸時換水

以竹刀刮去皮并土。夏浸三日。冬浸七日。晒乾為末。棗肉丸如梧桐子大。空

棗湯下三十九至五十九。之服之勝他藥多矣。熬膏亦佳。

補虛固精

論曰。腎主水。受五藏六腑之精而藏之。所謂天一在藏。本立始也。若腎衰精氣不固。或因洩而出。或因聞見而溢。或因虛勞漏泄精氣。或因邪氣乘虛。客於陰為夢遺。皆腎虛也。宜補益固之。遊以去脫之劑。

九物金鍊丹方 治虛損去風。閉精固元陽。

龍齒

敗龜板酥炙

雄蠶蛾

白蓮花

各半兩

山藥二兩

巴戟天半兩

蓮子心

肉蓯蓉

各一兩

雄雞肝一具

為末。麵糊丸。如梧桐子大。每服十九丸。空心溫酒下。

補骨脂丸方 治夢泄。

補骨脂炒四兩

龍骨

山茱萸

巴戟天

各一兩

為末。鍊蜜和丸。如梧桐子大。空心鹽湯下三十九丸。

神效散方 治夢洩。

白茯苓一兩 猪苓二錢

先用水煮合。宜去猪苓。再將茯苓焙乾為散。每服一錢。溫酒下。空心夜臥各一。

半夏丸方 治夢泄除痰利胸膈。

半 夏 二兩湯洗七遍入猪苓四兩炒
令猪苓紫色去猪苓用半夏

為末。酒麵糊丸。如梧桐子大。每服十五丸。空心粥飲下。

韭子丸方 治腎藏虛冷。腰膝痠疼冷痺。夜多小便。夢寐遺泄。日漸羸瘦。面無顏

色。兼治女人惡露赤白帶下。

韭 子 七升
淨揀

以醋湯煮千百沸。取出焙乾。旋炒令作油麻香為末。鍊蜜丸。如梧子大。每日空心溫酒下二十九。加至三十九。

補虛壯元陽

論曰。陰陽氣血之在人。初無餘欠。及勞動妄作。嗜慾過度。戕其太甚。則有陰陽傷
僊之病。氣血虛損之證。法宜補之。

菝葜丸方 補元藏。益精氣。利腰脚。

肉菝葜 酒浸二兩 天雄 去皮臍一兩

白馬莖 酥炙二兩

雀卵 四十九枚

兔絲子 酒浸三宿一兩

右將四味為末。以雀卵并鍊蜜丸。如梧桐子大。每服十丸。空心溫酒或米飲下。

兔絲子丸方 補虛益氣。壯元陽。

兔絲子 陶去浮者以酒浸七日爛研焙乾三十兩

藁香子 炒八兩

青鹽 三兩

為末。用浸藥酒。煮麵糊丸。如梧桐子大。每服空心溫酒下二十九至三十九。

補虛理腰膝

論曰。內經謂腰者腎之府。轉搖不能。腎將憊矣。膝者筋之府。屈伸不能。行則僂仆。筋將憊矣。蓋腎主腰。肝主筋。筋聚於膝。若腎藏虛損。肝元傷憊。則筋骨受病。故腰膝為之不利。

酸棗仁散方 治骨極腎虛。脚膝骨髓痠疼。

酸棗仁 八兩微炒

虎脛骨 二兩塗酥炙黃

熟乾地黄 八兩

杜仲 二兩炒黃

桂 心三兩

牛 膝三兩

右為散。每服二錢。胡桃酒下。葱茶亦可。空心、日午、夜臥各一服。

杜仲丸方 補下元。烏髭鬢。壯腰膝。進飲食。悅顏色。治腰疼。

杜仲炙為末

補骨脂炒香熟為末

胡桃仁湯浸去皮

研勻。鍊蜜丸。如梧桐子大。每服三十九。空心溫酒下。

地仙煎方 治腰膝痠疼痛。腹內一切冷病。令人悅澤顏色。骨髓堅固。行及奔馬。

山藥末 一斤

杏仁去皮尖

生牛乳 一升

先將杏仁細研。入生牛乳。絞取汁。次取山藥末相拌。入新瓷器密封。安放釜中。

重湯煎一日。煎成。每服一錢。空心溫酒下。

兔絲子丸方 治腰膝積冷痠疼。或癆麻無力。壯真元。

兔絲子

牛 膝各一兩

於銀石器內好酒漬之。令酒過藥一寸。經五日。空乾焙燥。搗羅為末。將元浸藥

酒煮麵糊丸。如梧桐子大。每服三十九。空心食前酒下。

神仙服餌三卷。非烹砂煉石。則嚼柏咀松。或吐納清和。或斬除尸害。皆藏經所



3 1111 008723700

聖濟總錄纂要 卷二十六 補益門 補虛理腰膝

備載亦難行難用也。一概刪去。今選其可服餌延年駐顏者方十餘道。又補益門方二十餘道。為養生家備用。博雅君子求全書繙閱。則余纂要一書。濟世婆心。廣開聞見。當有賞識者矣。

康熙辛酉中秋日 靜觀居士程 林題於刊上三一齋

聖濟總錄纂要終

民國五年 十月拾日

曹炳章主編
中國醫藥大成
聖濟總錄纂要

元貳幣國價實 冊十全

中華民國二十六年二月初版

宋·政和中奉敕編

清·程雲來纂輯

發行人 沈駿聲
上海北福建路三三一號

印刷者 大東書局
上海北福建路三三一號

總發行所 大東書局
上海福州路三一〇號

分發行所
開封 安慶 常州 無錫 信陽
南京 北平 天津 濟陽 西安
長沙 濟南 漢口 梧州 廈門
徐州 南昌 雲南 杭州 重慶
汕頭 廣州 衡陽 哈爾濱
書局

(本館校對者朱晉材)

聖濟總錄纂要

十

國立中央圖書館台灣分館



3 1111 008723700

414.6
18250
26
v.10